

泉州府志卷二十二

人物志下之下

朱則文晉江人幼失怙恃鞠於伯氏德春元末遇賊欲殺德春則文抱持號泣求以身代賊感其義兩釋之洪武間夢神告曰天賜汝金助汝不給已而果獲金數十錠則文不營貨產悉易穀以濟貧乏後以子鑑貴贈右副都御史

史惠字任傳晉江人以子盛貴封中書舍人患有至性其父元吉久羸疾惠侍湯藥不解帶躬親滌澣居喪廬墓孺號終三年衰麻蔬食時有白鴉巢

楸人以為異上其事成化七年

詔旌表

葉秉乾同安人慷慨尚義正統辛酉歲飢出稻二千石入官儲以賑貧民歲己巳沙尤寇發延及諸邑秉乾倡義率民兵屢戰不利被擒賊脅其從已罵不屈而范成化初御史涂棊奏

旌其門曰忠義

秦昇泉州衛千戶祖雄督運道亡葉塋南直隸之環瓊堡昇裹糧直至其處扶櫬以歸居父喪廬墓三載侍母洪氏疾衣不解帶者數月御史以聞正

德三年

旌表

陳庸永春善化里西溪人其先自南宋以來兄弟同居至其孫福十二世世業農家範數條簡而整儉而可久世推一人以長家政庭無間言鄉黨尊之寇入境過門不犯曰此十二世同居陳氏也世篤忠朴不近名縣官屢招不至嘉靖元年知縣柴鑣遣吏禮獎之量免其徭役始末一見聞欲申達旌表輒驚避嘉靖五年督學邵公銳得狀深加嘆賞乃以孫生員陳祿收廩仍行合屬表揚激勸家範

十四條并錄于後

立祠堂一所以奉先祖額派田租三十石歷代家長各令子姪遞年輪流收管至七月中完備辦諸酒羊菜當堂奠祭婦人俱在其次而列致奉茶湯

祖墓四所額派田租四十石各令子姪遞年輪流收管至八月中秋備辦諸酒時菓當墓祭掃

男女婚聘家長備禮銀一十兩猪酒在外或外親欲重禮聘父母自備親迎以後賠嫁器物俱入祠堂公用粧奩厚薄盡付本夫收掌

女子聘銀厚薄係父母收掌備辦粧奩家長另備銀二雙重二兩段裙襖一付椅棹等項器物

一完其伯叔兄弟孀嫂欲助首飾衣服被鞋者隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一隨其力量不拘多寡

一散處置立田租每年選令一人收掌聽從家長

一附近田業計畝分與各房子姪勤力耕種收成之時照畝數多寡送納家長支用或情耕以致

失收則將私置田租追賠足數

一子姪將分下首飾置有田業者十畝則抽四畝

入喪公用及應辦糧差餘租盡付收管買置衣服或年荒失收則將子姪應分田租支出公用

一候年豐之時將眾中所收租穀給還

一飲食建立二堂以別內外男共一堂在外每食

必候同席少長以序不致紊越婦人亦共一堂

一在內每食必候同席少長亦以序不紊其炊爨

則妯娌依次輪流當日之人名下使女并養男

一自備火柴菜蔬每人管二日凡管顧往後人客

一接應茶湯其新娶媳婦入門免一年備辦飲食

一專一聽候織紵或年長已有男婚女嫁亦免炊

一當年寒暑男婦所用衣服家長將公家田租撥

一出五畝給付各裁種芋麻雜物買換布疋應用

一凶吉事親家親姆來家致祭或作客者備辦諸

一

一

一

羊酒禮就於祠堂筵待其禮厚薄皆家長備辦
或客商往來所用牲酒淡飯亦家長備辦
一長幼各穿衣服並同一架欲穿則隨取而宜不
分爾我晚則早起聽從生活農務夜則隨侍家
長已睡而後敢睡婦人各勤蠶織補綴奴僕則
早夜聽從使令各司其事不許混雜
一年少媳婦及遞年正月初一日起務要每日清
晨照依次序行禮敬奉茶湯伏事尊長盡一月
乃止餘月初一日
十五日亦行此禮

小乍陳氏其先侯官人宋紹興中有為惠安丞者
卜居小乍是時李文會以故執政還鄉有司沿海
築沙堤以迎之及李氏替而陳氏頗盛入我

朝亦替族姓尚多有五世同居者男女業作皆歸於
公家長掌之無私蓄無私饌衣服稍美者別藏之
有嘉事遞服以出鷄鳴皆起聽家長命其日所業
無敢怠惰士大夫好事者或往觀其家甚有古朴
之風至今不替

李森安溪人慷慨有謀樂善好施郡邑之亭廨橋
梁修建居多嘗出粟二千石賑濟

詔旌為義民沙尤寇掠泉界森募死士掩擊之擒其
酋長尚書金濂上其功授漳州巡檢復調安溪源
口司

張弘綱同安人倭寇之亂其父遂夫與弟弘猷皆
被擄索金贖弘綱家貧無所得金度父無脫理乃

入巢法說賊曰某年幼雖假貸無與不如歸吾父
吾父歸則金可得矣賊質之為刻日而歸遂夫遂
夫終無所得金至期賊酋令縛出與其弟斬之弘
綱復給賊曰父歸必有金可遣弟速之賊又如言
而遣其弟弟既脫弘綱乃告賊曰家貧甚金實不
可得吾以全吾父與弟耳賊怒曰黠兒乃為汝所
賣懸于樹焚死之

胡有燿字子謙同安庠生素輕財好義為鄉人所
信嘉靖戊午倭虜至其鄉有燿散財結社以禦之
度力屈令其妻子宵遁謂之曰吾與眾盟義無獨

去明日率其從與鄉人併力為拒賊計以脫諸婦
女老稚力罷為賊所得罵不絕口被戮獨慘事聞
贈州同知祀于鄉給其子冠帶

章起宗晉江儒士生有至性三歲喪父見母蔡懷
毒欲殉跬步不離側稍長毀哀思父竭慎事母母
病籲天祈代求旌母節歷三十七年悲悵喪明及
旌目復視母歿既塋廬于墓側痛喪父未勝衰追
服如初將塋母淫雨浹旬祀哭雨中天為霽歲嘗
苦蝗旁墳木盡稿抱樹而泣蝗不入界一日暴雨
有白衣人呼之出起宗出廬遂壞六載始易麻旋

居即廬築墳囑諸子勿易他處卒年七十六臨終無他語但呼母曰天旌至矣其終身慕如此國人稱曰韋孝子有司易里名曰節孝歿後數十年里遭回祿故居兩鄰煨燼旌節坊獨存人謂孝感得天即地下猶有靈也萬曆二十八年御史爲具題詔旌其孝

王應晉江人幼喪父母李氏誓死育之熺事母至孝遇親諱日伏哭盡哀以貢授瀧水訓導病免歸其庶子文昇途侍熺行遇洪水且有劫盜文昇負父匿空館卧木板上立待水中者三日母春月病思食荔枝不得取陳者漬而進自后每薦荔枝對之流涕終身不食人稱王氏二孝子御史陳子貞爲請于 朝旌其閭

王定民惠安人性至孝家貧以鬻金楮爲業日度贏得錢幾何半給家半市酒肉供父母饌父病足痺定民蚤入視寢安否旋背父出坐對客父喜奕定民時懷錢授里中父老狎與父奕者語之曰庶幾當父驩耳公母竟所長困吾父里社會致父父謝病定民勸父往先之讌所數父坐席設帷布以御風暮客散俟諸門外傭一役共與父歸父忘其

病葉令春及聞之曰此一飲食一跬步不忘親者
真孝子也造其廬揖獎厚餽之

郭尚謙字鳴吾晉江人爲郡諸生家石湖海島上
嘉靖季倭亂一夕賊艘數十至里人望見俱逃尚
謙謂兄尚友曰賊來必縱火兄護母避之吾將與
父櫬存亡矣因以麻經自繫柩側誦孝教歌見志
賊駭而問之曰有父櫬在如有他虞願以身代賊
加刃其頸撫棺悲慟賊感傷舍去賊退乃葬父而
昇母於郡城教授生徒供養人稱爲郭孝子
王肇禎同安古庄人與父伯騰網魚牛鼻溪騰溺

深處禎跳身援胥溺焉會同儕者亟拯禎出騰忽
浮水力殫氣憊禎復授護之竟與偕殞

張志越晉江人父老喪明手足痿痺志越侍攝几
杖未嘗去側衣服飲食務適其志母患癩五載志
越旦夕籲天祈以身代夜夢一老人拊其背曰子
勿恐屬女醫來痊矣詰朝果得女醫治之應手愈
鄉里以爲孝感居喪哀毀一遵古禮郡守朱炳如
旌所居曰彰孝

林肅晉江人年十六時其兄以鋪里之後被捕走
匿肅蒙帽頂名自詣受役人壯其義善居積知取

予致美而好行其德建宗祠卹窮族田租市券有不能償者輒捐之嘉靖季年大饑顧司徒公鳩大家施粥肅率先為倡而又廣治父母墳塋以畚鍤活流離者鄉人甚德之稱為長者年八十餘卒潘寬晉江筍江人天性孝弟人有誣訟其兄者奮身代白得解兄嘗病藥不可愈寬割股和肉以進遂痊先時寬父德政有不拾遺金之美諸名公嘉其世德多為傳贊焉

女德

宋

呂仲洙女名娘子晉江人父疾篤娘子焚香祝天求以身代及股為粥以進時夜中群鴉遶屋飛噪仰視空中大星燁煜如月者三翼日父瘳女弟細娘亦相從拜禱娘子卻之細娘恚曰豈姊能之兒不能邪守真德秀嘉之表其居曰懿孝

楊氏女同安人父安國患血疾逾年不愈女取肝為粥以進父疾隨愈里人林士元有記

張氏女永春人年及笄未婚紹定庚寅寇犯邑入

山避之猝遇遭掠欲汙之不從度不得脫給賊一

有金帛埋於家同歸取之甫入門大呼曰吾寧

於家決不辱身賊怒殺之越三日面如生親黨嗟異以烈女表其墳

蔡若訥妻楊氏晉江人廉州守友之女讀詩書論語孟子皆能通大義寡居時年二十二守節不嫁書乞為寒水王願作冷秋菰二句于壁以自勵士大夫多歌贊其事稱為楊節婦云

張澈妻呂氏南安人光祿卿璫之女澈蚤卒誓志不二歲大饑施粥食餓焚券棄責幾萬緡辛勤教子過竟登進士及卒端坐而逝越日顏色不變柯述為作賢母傳發運使胡師文為狀于朝

黃公憲妻楊氏尚書炳女弟夫歿姑老有疾楊侍奉不離側更持二喪盡心而稱於禮口授孝經論語教二子後皆知名陳宥書其碑曰節婦楊氏之墓

徐伯嵩妻傅氏朝散郎烈女兄伯嵩為縣令卒親老子幼傅力貧以奉舅姑喪塋悉中禮擇師教三子皆底于成黃國錄以寧銘其墓曰立節如大丈夫教子如嚴父師

留沫妻黃氏晉江人忠宣公孫婦來歸時忠宣公尚無恙黃侍重闈恭謹處家庭無間言年二十三

而寡撫育子女訓以禮法禁其驕惰浮靡之習綜
 理家事一如夫存子繼天子婦梁氏亦卒獨守
 孫形影相吊教之卒有成立及見其貴顯壽八十
 四
 洪晚成妻留氏忠宣六世孫居數歲晚成當遠戍
 囑留曰我歸期未必母氏年老以奉養托子留應
 曰諾逾年晚成卒留年二十四誓死嫁撫育幼
 子養姑氏必備甘旨姑疾累歲奉湯藥無少懈及
 卒哀毀踰時鬻室廬以供喪葬年五十六卒鄉人
 以節孝稱

陳得環妻黃氏名桃娘德化人嫁期年得環服役
 死于外黃亟圖尋夫屍歸塋母憐其年少無子逼
 之再適黃恐不免一日假以澣衣投門前溪水
 死

柯允中妻益行中書省理問張仁妻嫻劉允正妻
 婉晉江人俱上猶尉龔名安女也三女俱蚤寡益
 時年二十五嫻年二十二婉年十九舅姑皆先卒
 無依及終夫喪咸挈孤依父守節不二陳方山稱
 其姊妹三人同心同氣同貞同節古今未有也

陳思名妻謝氏字妙靜晉江人安溪典史均安女

夫蚤沒謝矢不再適勤女功以養姑姑歿塋祭以禮男女俱幼二男蚤夭惟一幼女乳執相依備嘗辛苦始終不渝卒年七十有六

王氏女名珠娘王省元胄之孫女生於元季涉穢經史年及笄遇盜剽鄉落王氏闔門奔竄珠娘為賊所得恐被污乃絡賊曰我有寶玉藏於家盍同取之盜以為然至大溪深處出盜不意投溺而死盜錯愕哀恫去處士林周員哭以詩云君不見寶二女一身無寧崖下死嗟彼家人纔及笄赴流漂骸亦如此

國朝

莊允祥妻曾氏字選玉晉江人允祥蚤卒家貧曾罄其奩資營塋勤勞以養舅姑誨育諸子竟有成立卒年八十有三事聞

旌表

泉州府志卷之二十一

泉州衛指揮僉事張盛妻朱氏字貞玉歸盛一年而盛卒朱年甫十七遺腹六月既而生子昱時盛母與祖母姑姑俱無恙朱勤儉以養三母治三喪撫夫三弟家事益落乃抱子昱依外祖母居竟矢志不改後昱長襲祖官事聞

旌表

尤惠妻李氏字妙嚴晉江龜湖人其姑壘甚孝孝順其意竟為所愛惠蚤歿男女俱幼李經營家計矢心不二諸孤皆成立有司奏

旌其居曰孝節卒年九十八

贈監察御史詹璉妻林氏字王脩安溪人雲南按察副使源之母夫歿時長子清方在襁源在娘方五月父母憫其家貧子幼諭使再譙哀慟不已父母不敢強自是勤織紵以撫二孤源卒貴顯鄉人羨之以事聞

詔旌其門

黃逸妻蔡氏字端謹晉江人文莊公女弟逸總邑賦赴京歿于途時年二十五一子存實方在抱獨處一室三十餘年接兄弟不踰閭非正禮未嘗登堂晝夜績紵撫遺孤而教之有司以節聞

詔旌其門

庠生楊希閔妻汪氏字貌莊晉江人幼聰慧讀論語孝經烈女傳悉曉大義適二年希閔以疾卒無子汪時年二十三自作哀辭告祭曰吾不死不了吾事服毒而死正德間事聞

旌表

何伯瑾妻林氏惠安人夫死林年二十四撫其子公陽以至成立年七十餘終事聞

詔旌之

謝文瓚妻陳氏晉江人年十六歸謝二十四而夫卒撫遺孤復天居宅兵焚哀苦萬狀竟矢志立嗣

嘉靖元年

旌表

同安庠生王湍妻林三娘夫死無子翁姑欲嫁之三娘曰夫有三弟在吾未死爲夫血食計耳翁姑

逼以寧母其母因密受富室聘三娘知之復歸服毒仆地大慟姑懼令婢嫗拽以如母市人見之皆爲流涕三娘竟自縊死嘉靖十二年

旌表

郭貴貞妻葉氏同安人夫死年二十五孝事其姑誓不再適年六十終嘉靖十三年

旌表

蔡任妻孫氏晉江人夫亡時年二十二撫孤事姑至二十七歲孤夭姑繼歿氏無依遂自縊嘉靖十

八年

旌表

林泗妻李氏安溪人夫亡時年方十九未有子從容治喪為夫立後卒哭之日袖夫囑自縊以殉嘉靖十九年

旌表

朱焯妻陳氏晉江人都御史鑑孫婦夫亡時年二十六忍死以撫遺孤未幾孤又死陳遂服毒而斃嘉靖二十年

旌表

洪庭振妻林氏晉江人夫亡時年方十九撫孤守志五十六年嘉靖二十年

旌表

世華妻童氏晉江人嘉靖二十三年

旌表

刑部員外郎何琚妻吳氏晉江人世為禮義家知書通大義寡時年二十二無子卒哭之日立囑置嗣區處後事從容自縊所為奠夫哀辭酸楚不可讀嘉靖二十五年

旌表

晉江庠生梁黼妻莊氏寡時二十五歲撫遺孤懷

仁慈而能教懷仁少年科第為名士莊壽八十餘

嘉靖二十五年

旌表

趙文妻陳氏名珠南安人寡時年二十三父母欲奪其志誓不他適杜門機績以資朝夕教子成立

壽八十二嘉靖二十六年

旌表

常元妻蔡氏晉江人夫亡時年二十六以死自誓事舅姑孝謹病侍湯藥易燥濕舅姑繼歿殯葬如禮撫遺孤起宗長成事母以孝聞有司名其室曰

節孝嘉靖二十九年

旌表

吳氏女三娘同安人受劉仲芝聘仲芝亡女從母往臨其殯歸持服卒哭有求婚者母許之女沐浴

自縊死嘉靖三十年

旌表

劉琛妻林氏同安人年二十二夫歿二女在襁林治塋為同藏計夫兄弟欲易其志林剪髮自誓鄉人義焉寡守四十餘年以壽卒嘉靖三十年

旌表

林氏女大娘晉江人受余汝麗聘汝麗商于外舅姑預迎以歸夫亡于商女自縊死嘉靖三十五年

旌表

泉州衛千戶舍人張淮妻王氏夫亡時年二十歲寡守四十七年撫遺腹孤克椿竟成襲祖官嘉靖

四十年

旌表

康氏女同安人受葉秀春聘秀春卒女告父母歸其殯歸自縊死嘉靖四十二年

旌表

贈吏部主事劉萬妻童氏晉江人寡時年二十九寒貧甚遺腹生子因名大遺恣饑寒竭力奉姑撫大遺成進士以學行稱于時嘉靖四十三年

旌表

李喬新妻蔡氏晉江人夫卒遺二子俱幼氏矢志育孤蓬頭垢面紡績自存嘉靖季年遇賊潘若海等剽掠焚其夫柩次孤為僂氏痛憤大慟引刃自刎於焚柩烈焰中賊相顧失色釋其長孤而去萬

曆十三年

旌表

泉州府志 卷之二十二 十一 二百四十一 旌表 李喬新妻蔡氏晉江人夫卒遺二子俱幼氏矢志育孤蓬頭垢面紡績自存嘉靖季年遇賊潘若海等剽掠焚其夫柩次孤為僂氏痛憤大慟引刃自刎於焚柩烈焰中賊相顧失色釋其長孤而去萬曆十三年

徐蒼妻黃氏晉江人歸蒼六月蒼病故氏哀毀自
誓匝月自縊以殉萬曆十一年

旌表

晉江諸生林有栻妻許氏有栻被陳可瀛毒死立
嗣適殤氏痛夫仇未復屆卒哭日由鄉居奔赴郡
館柩前焚香自縊時萬曆辛巳九月也仇竟抵罪
壬午年

旌表

孫氏晉江人許配吳廷桂未婚而夫歿氏徒步奔
喪以聘釵拜見舅姑哭奠伏柩側越二旬取魂帛
懸而縊衣帶中書云男子勿近我身女人勿啓我
衣萬曆十九年

旌表時有漆匠妻彭氏者夫卒朝夕哭奠貧不廢禮
聞孫氏尅期死節同日自縊

陳氏晉江故民陳誠要女許配蔡遵課未娶而遵
課旅歿氏聞訃哀毀骨立匍跣迎柩伏柩號泣預
制殮身之具絕粒而斃萬曆二十二年

旌表

惠安諸生陳文鏐妻姚氏少習孝經列女傳歸九
年文鏐病卒氏剪髮納柩中期同赴泉途促治棺

余届五旬自為文辭家廟及奠文鏤因更衣自縊
萬曆二十二年

旌表

王桓妻李氏名玉真安溪巡檢李森女桓卒二子
嫌熺尚幼未幾嫌殤母家諷之改志玉真引刀自
刎其媵女洪氏趨前救免遂從玉真守節撫孤又
黃氏者桓曾孫輔婦也年二十歲輔卒事姑教子
一守李氏遺法壽八十有四俱於萬曆二十二年

旌表

許志超妻葉氏名坤隨安溪人夫卒無子葉絕殮
誓死所親強勸之坤隨曰無子殉夫婦道當然粵
者無以我為念匍匐自縊樞傍萬曆二十二年

旌表

南安諸生傅廷雅妻葉氏歸二年夫故舅姑先亡
遺姑叔四孩氏守志撫育拮据百狀族人無不歎
服年六十餘卒萬曆二十六年

旌表

泉州衛百戶鄧炳妻權氏炳故遺孤城南三歲家
徒壁立氏茹荼撫教城奮跡武科歷官副總兵氏
年七十餘歲方卒又俞氏者炳孫銓婦也銓歿守

節不二又林氏炳曾孫都司中溥婦蔡氏炳曾孫
華清婦俱於夫亡匝月內絕粒身斃

詔旌為鄧氏一門三世四氏節烈之門

晉江諸生蔡國襄妻呂氏夫歿氏年一十七歲矢
心身殉悉斂其簪扇筆研納夫懷袖於三七懸帛
自縊萬曆二十八年

旌表

晉江諸生謝暉繼妻蔡氏歸未幾暉故氏無出撫
前子繼宗習學入庠未幾繼宗亦故遺孤九思五
歲氏復撫養成成人九思後以子貴封苑馬寺卿氏
年六十七卒萬曆三十二年

旌表

台州通判蔡宗德妻楊氏同安人宗德卒于京師
氏投繯者再為嫡泣留因與嫡共撫嫡子成名以
貞潔終萬曆三十四年

旌表

南安陳振翰妻李六娘晉江人李長史聰孫女年
十九夫歿遺孀四月事姑盡孝生男撫誨成立編
素終身備嘗艱險六十七歲卒萬曆三十四年

旌表

同安諸生吳泰妻康氏嫁甫四月泰郡試病亡氏
慟不復息旬餘自縊萬曆三十四年

旌表

陳氏晉江姚楷未婚妻楷病故氏躄踊奔喪朝夕
撫柩慟哭堅餓而死萬曆三十四年

旌表

陳氏晉江人父許配黃崇楠未婚夫故氏甫十六
歲奔計自縊萬曆三十四年

旌表

自曾氏選玉至此俱已

旌表者

莊氏名盡娘晉江人歸里人李氏子洪武元年夫
以事詣京師偕行至崑山夫病死莊具衣衾歛葬
畢寓書歸遺其親自溺而死會稽胡溫為賦以哀
之曰衆同舟兮孰無良妾身窆窆兮良獨亡良既
塋兮海之旁妾化精衛兮與良翱翔

林梅妻李氏名婉娘晉江人二十而寡僅一子在
抱每祝天曰願得孤兒成立使妾得終為林氏母
或強其再適輒持刃欲自刎後無敢言者年五十
八而卒

晉江潘遜妻黃氏莆田人從遜戍鎮海逾年遜歿氏年甫二十二與姑吳氏携骸骨歸葬誓不再適齧斷右拇指以爲信年八十五卒

郭允朝妻翁氏名順正晉江人歸六載而夫歿宗戚諭使再適翁嘆曰允朝垂絕囑我老母言在耳也遂斷髮爲信姑死塋祭以禮年七十五卒

蔡茂思妻吳氏名潔姿晉江人適六月而茂思卒吳哀痛幾絕時鄉人爭求納聘舅姑亦憫其年少無子欲嫁之吳泣告曰公與吾父宦家也某爲宦家婦夫死而背之他可乎舅姑不敢強自是孀居

三十六年一節年五十五卒

林光妻蔡氏名瑞金晉江人性嚴潔既歸林恪謹婦道成化壬寅大疫舅歿俗皆畏避不敢喪蔡相光治棺斂衰經哭踊盡禮泊卒哭光亦卒蔡悉出所藏斂光既殯哭奠數日自縊而死年二十二許氏名梅同安人適宋隱山子未幾夫得痼疾梅奉之恬然無惰容夫死誓不二志事姑孝謹父憐其少逼使再適臨遣投水而死潮漲而屍不流人以爲異

泉州衛千戶秦雄妻王氏字靜能夫卒壬午甫二

十一生子傑未晬獨與母何氏居或勸其改志輒號泣累日不食自是無敢言者終始一節鄉里以爲難年幾八十卒

永寧衛百戶李蕃妻周氏名妙勝襄陽人年十四適蕃蕃從征苗蠻陣亡周號哭購屍以塋矢志弗渝訓戒子敬每以忠孝不墮門功爲言孀居時年甫二十四茹素至老卒年六十後其子以功累陞永寧衛指揮僉事

丘琳妻趙氏名妙緣年二十歸琳爲妻二年琳卒一子榮尚在襁保矢志不二榮旣長襲祖父官永寧衛指揮僉事娶王氏生子昇榮亦蚤夭王年少孀居貞潔自守以奉其姑人稱爲丘氏雙節後皆以壽終

高浦千戶孫榮妻張氏夫卒張年二十四誓不再醮塋夫遂營二塘爲同穴計姑與其兄逼使再適張知不可沮陽諾之至夕自縊而死

吳聰妻黃氏名玉真晉江人適未三載夫歿無子斷髮示不二父母欲奪其志黃泣曰旣適夫而懷二心狗彘也吾寧死不爲狗彘父母嘆而從之卒年七十二

年七十二

曾阿原妻張氏名珠娘德化人年十九嫁生一子儀甫僅數月而夫歿家富田廬堂兄弟宗族之強者利而圖之張抱儀甫哺且泣而祝曰天若憐汝俾我無疾庶幾汝得以續祖父之祀後儀為邑庠生年甫二十四而歿張號天曰吾不難於死曾氏之祀誰托乎適以夫堂姪名恕者嗣撫若已出人不
知其為姪也後以壽終

吳欽遜妻周氏名婉安適五年夫亡僅一遺孤方在携父母欲奪其志周曰吾不知書然吾知婦人惟一從夫也父母亦惘然自失自是耐淡甘苦勤

紡績以自贍終始不渝後以壽終

陳文妻郭氏惠安人年二十二而寡父母憐其少欲使再醮郭涕泣不從孝事其姑貞節不渝後以壽終

阮天從妻林氏名亥娘晉江人生男智宗僅三歲而天從歿家貧甚無他近親惟抱三歲兒養一老姑處辛若人不能堪姑卒以禮終塋教育智宗至十歲立年八十八年守節六十五年知府包溥扁于旌善亭旌之

劉惟義妻蔣氏年二十四而夫歿家貧甚忍飢寒

幼績奉養舅姑控二幼兒舅姑歿喪差如禮二子
長皆能成立孀居三十九年始終一節

王國助妻陳氏名增妻晉江人生孩甫四月夫病
亟卧床嘆曰孤將誰托陳曰吾決不異志君無累
心夫死獨撫幼孤躬織紉以爲衣食一日從母郭
氏弔外祖之喪舟回至江中賊舟逼及之陳度不
免赴水死賊駭且悔隨旋舟遁去越四日屍浮水
面面色如生時年甫十七

蔡實妻梁氏名淑瑞晉江人夫亡哭踊幾滅姑以
年少子幼欲嫁之欲自縊廼止自是備嘗辛苦孝
養舅姑不衰撫孤雖慈而不忘戒飭後子祐亦志
科鄉人羨之

黃欽祥妻莊氏南安人適五年夫歿舅姑慮其蚤
寡莊知以身誓爲黃自是蓬頭垢面絕外事專治
女工撫二子長厥初年十九而天次厥仲娶陳生
孫密未踰月仲復天陳年二十三姑婦抱一月兒
相嚮哭復相慰保育黃氏一脉婦亦倚姑以守迨
密長且有孫莊顧陳喜且泣曰吾與汝異日可以
見夫君矣年七十終督學副使劉玉禮幣旌之
陳仲憲妻王氏惠安人仲憲歿王年二十七子儻

生甫六歲姑老子幼奉養教育備至里人有諷以改適者王曰吾分養吾姑育吾子終焉爾既而僖生亦夭死僅一孫疇復撫而教之後王以壽終

柯瓚妻黃氏名荷玉晉江人適未幾舅姑相繼歿殯于淺土既而夫亦繼亡時黃年甫二十三家業蕭索三喪未舉廼盡棄簪珥爲塋具父憐其貧且無子累欲奪其志黃恚曰兒雖餓死決不至以衣食累吾父自是棄梳櫛動紡績二十年足跡不及父家宗族兄弟絕無相接卒年五十三

莊舉妻劉氏名淑真晉江人生子麟方二歲舉卒

劉年二十遺腹子鳳夫服闋姑憫其年少寡居諭使再適劉曰吾莊家婦將適何之姑知其意堅從之自是操節愈厲以壽終

洪慶妻余氏浙江西安人歸慶爲四川合州儒學訓導未幾卒余年方二十四誓以死從時值寇亂人皆逃匿余獨抱二孤守柩不去或以家窘諭使再醮余厲聲斥之自是深藏勤女工積其所業者賣以營葬教育二子文昌俱底成立後以壽終鄉賢士夫嘉其烈扁其堂曰慈節

王爵妻陳氏名妙姬晉江人年十八夫歿陳以死

自誓以姑無侍未忍居一載姑營塚塋爵陳請于姑預已擴爲同穴計姑曰是何容易言陳謂姑不以節許之卽服毒姑覺請醫爲解陳泣而言曰新婦本欲代爵養姑弟姑莫信不得已爲是以自白爾遂閉口不受藥翌日卒

鄭聯桂妻汪氏晉江人聯桂客維揚溺于水許至汪撫胸大慟曰喪夫之人豈宜獨生卽投于東廊之井而死時年二十三

伍端妻柯氏名梅晉江人年十八適端育一子始倅端歿柯抱子凭棺而哭哭止必曰兒羈我爾意欲從端而難其子再閱月兒復歿柯夜寧與父母家與父母語盡平生旣歸從容起居舅姑蓋與永訣也遂沐浴更衣縊死家人驚救弗及時年二十三永寧衛百戶梁福妻徐氏名妙善適未幾福以襲官卒于途時年二十一一家且貧卽斷髮誓不再醮動針指養祖姑王王歿殯塋如禮守節五十年無少瑕玷

洪伯大妻許氏同安人歸數年未有子時常勸夫娶妻求嗣伯大義之娶陳生二子許育如已出伯大構疾革許水漿不入口數日泣而誓曰君不起

妾寧獨生哉伯大卒許含殯歛畢收其遺書付陳
曰吾在哀中恐有遺忘汝慎貯之復曰好調護幼
兒潛入卧內縊而死

通判莊政繼妻林氏惠安人生一女而政歿年甫
二十二撫前妻之子有恩及資送己女不與前妻
等人皆難之終始一節年六十餘卒

顏晁榮妻盛氏永春人年二十九嘉靖元年流賊
剽掠及境晁榮隨民兵禦盜盛携其男女避賊安
林為賊所得欲汙之不從遂遇害其養女陳珠年
十五有姿色亦在獲中不汙于賊賊怒并殺之知

縣柴鑣為之殯葬復詩以弔焉

莊珊妻吳氏惠安小坡人珊卒吳二十一無子晝
夜呼哭竟自縊以殉

同安進士李一陽妻莊氏陽登嘉靖癸丑第以疾
乞歸卒于途訃至莊為位而哭哀毀逾禮謂其父
母兄弟曰夫疾莫養於下吾將往從之所念者二
孤孩提夫翁之齒暮矣而有夫弟在其悉以歸之
吾當自為計耳柩至遂自縊死當道表其廬曰貞

烈

吳煒妻莊氏名願貞晉江人歸未暮而煒卒莊與

夫永訣誓以身殉其父母知之以祖母與卧起防之莊辭祖母曰吾夫無與爲三年服者吾何忍死祖母還報其母尋諷以他適莊憤就寢自縊而死晉江舉人蘓忠妻蕭氏忠遊清溪歸卒于雙溪口舟中報至慟哭殞地檢衣出殮殯于舟河之滸誓以死殉還家不食九日至夫初旬偕其姑出臨漳門外向柩所哭盡哀歸入門懸帛自縊留一婢侍帛斷婢慟顫伏號麾婢出捨扉縊死

同安諸生呂潤妻陳氏夫歿哀毀守志與姑相依三年適母家有以年艾家貧探其意者氏憤告其姑曰婦生而啓人伺不如死遂服毒告於夫之靈曰生同爾年死同爾日時年二十三其日夫死日也

同安諸生王式妻吳氏嘉靖己未避倭大嶺寨中被執罵賊不絕口見道旁有泉深數十丈遂投而死後人名其泉曰義泉

蔡士訓妻洪四娘同安人嘉靖末爲倭賊所掠驅之行塹坐于地厲聲哭罵賊怒殺其女及二稚子哭罵愈甚賊刺之中胸洞膈無血賊恠駭而去人埋淺沙中四十九日賊退士訓發斂顏色如生

南安諸生蘇希益妻陳氏嘉靖甲子爲倭寇所擄
義不受辱乘間投水寇以矛割之罵不絕口與幼
男俱被害

張鳳岐妻陳氏同安人歸數月鳳岐疾篤陳氏泣
謂夫曰倘不諱當從逝不多食汝一飯也夫卒陳
請夫兄鳳表立子爲繼併促治死具越九日自縊
時年十七歲

黃應考妻盧氏名閨貞同安人嫁逾年夫歿以徹
靈之日自縊時年十七歲

祖氏崇武所百戶宗源女嫁同所黃舍人舍人死
祖守節不二其姑寡婦也謀重行惡祖節欲
之氏悲憤自縊死

林氏惠安林毓女父許婚于李氏子將及娶端午
競渡李氏子溺報至林氏大哭遂廢寢食若不欲
生其父母致媒逼再擇配林氏遂自縊死後十餘
年邑令羅繼宗聞其事爲改葬歸骨于李氏子之
丘

江甲耀妻黃四娘晉江人甲耀久病四娘悉脫簪
珥衣服以供藥餌經年無愠及卒哭泣哀毀殮夫
畢即沐浴自縊御史方元彥扁旌

陳章憲妻黃氏晉江安平人憲死于呂宋越年計至氏號慟幾絕自矢必死其姑勸之強爲收淚三旬奠夫畢闔戶自縊

柯日蕃妻顏氏晉江安平人日蕃死呂宋氏號哭爲死計其父遣媪婢謹護之比卒哭擁以歸氏陽爲不死狀食語如常值蕃忌日前期語父歸奠薦俎後乘間自縊衆踣戶入絕矣

晉江諸生何九轉妻弋陽令王居瓚女而禮部郎中何喬遠長婦也九轉夙負才名早夭男幼復殤氏慟哭以死請於舅越三旬自縊時夫第未有男將死豫祝曰他日必爲而兄立後歿逾時兩手相拱不釋

黃華南妻謝氏晉江人南瞽乎謝三月入楚病卒喪至氏奔赴哭臨奠畢自縊

吳壽妻王氏晉江人歸一年壽卒密取斂餘紋布自製絞索縊死
庠生林應元妻許氏晉江人名瑞娘適五年夫歿密藏斂餘帛小祥以自經死

南安傅禧光妻蘓氏晉江人封彰德知府蘓士潛女歸逾年夫歿氏痛哭誓不獨生請於姑以夫兒

子爲後拜父兄訣別謂其兄督學茂相曰兄爲綱常名教之官妹敢爲綱常名教玷乎越九日閩戶自縊年一十九

南安諸生陳民安妻黃氏名淑坤夫歿三月一子復殤淑坤哭辭夫靈囑夫弟勉學以繼兄業遂就縊

謝應祚妻蔡氏晉江人夫卒引帛自縊帛斷泣曰得無有孕乎以笈祝之弗孕越七日遂殉
葉落翼妻陳氏同安人葉叅政明元子婦也歸甫三月啓翼病故氏哀哭意在必殉姑遣媪婢守之及五旬以他故遣出諸婢遽取所藏小刀自刎靈前屍挺立移時不仆時方盛夏越日面如生蒼蠅絕跡人咸異之

張廷諧妻許氏同安人廷諧贅三月而歿許即歸歛絕粒哭奠如禮越數月自縊靈側足不離地顏色如笑年甫十五

陳大娘同安庠生陳開春女許聘呂重熙未婚而夫陳請其母奔計入門衰麻號哭賣簪珥舉奠奠畢取婚帖納袖中手白練授二婢二婢泣大娘顧笑遂投環死

趙三娘同安人幼許何公保未婚而公保歿三娘奔喪月餘骨立母視而憐之強擁以歸三娘自縊者再母不得已復聽歸何卒哭日遂經死

林氏晉江人父許嫁陳廷策未婚夫故氏請於父奔喪哭奠越三旬自縊柩傍

吳鳳來妻蔡氏名貞娘晉江人年二十歸甫二月鳳來旅沒氏晝夜悲號俟櫬歸遂縊以殉訓導黃思詔妾陳氏南安人思詔沒昇以田園爲終老計氏誓必殉死時其孀子一良成進士在京師俟歸與訣遂自縊年二十有七

陳遜妻吳氏晉江人遜卒氏年十八遺孤五月撫之成人壽八十三歲卒後以孫用賓累

贈夫人

林知言妻陳氏晉江人夫歿子喬木甫二歲立志不二孝事翁姑課喬木竟登鄉薦年七十餘卒

晉江御史吳從憲妾沈氏名槐英淮安人從憲病槐英預矢身殉及卒死焉

黃喬植妻留氏晉江人喬植以父恭肅公蔭入太學舉嘉靖甲子順天鄉試留氏歸喬植未有子置媵莊氏生子琰甫四歲喬植卒留莊年各二十餘

卷之二十二
矢志並守四十餘年琰成進士以餘姚令滿

贈留氏封莊氏為孺人

黃喬焜妻蔡氏晉江人焜歿秦無出妾柯氏生子燿四歲秦與柯守節課子讀書其別妾施氏亦不嫁三節相睦白首無間燿領萬曆戊子鄉薦

王肇望妻周氏望為邑諸生天歿周以死自誓姑偕其油媪環守之周乃寬以小祥不令知也屆期方治蔬為奠自經死矣

自莊氏盡娘至此俱未經旌表存之以俟有司
采覈

右人物傳始唐貞元以迄于今遠者補遺近者博采此時則稱甚盛矣蓋自我
高皇迅掃胡塵重新宇宙

列聖之德澤教化醞釀漸涵以孕茲靈秀即閭閻隱行閨闈女德猶加盛於曩時矧通籍朝廊布列庶
宋者耶昔太史公傳朱建馮唐也曰其子與余善至傳田叔并及其子仁也則曰仁與余善要以所
稱述皆不虛亦且明言不諱如此方今當多賢之世采錄宜廣夫孰無相厚善者而余輩互相可否
無所私亦無所避簡編之紀載與月旦之衡評不

至相刺諫也其有遺善則以俟將來續修之君子

為

至

來

林

來

來

來

來

來

永州府志卷二十三

寓賢傳吾郡山水明秀風俗美而善人多君子

至於斯也或依戀徘徊而不忍去世亂

唐

秦系字公緒會稽人天寶末避亂剡溪復徙南安

有九日山大松百餘章俗傳東晉時物系結廬其

上穴石為研注老子彌年不出刺史薛播數往見

之歲時致羊酒而系未嘗至城門姜公輔請泉見

系輒窮日不能去築室與相近公輔卒妻子在遠

系為壑山下張廷芳聞系不可致請就加校書郎

與劉長卿恒以詩相贈答權輿曰長卿自謂五言
 長城系用偏師攻之爾其後東度秣陵年八十餘
 卒南安人為立亭曰秦君亭號其山為高士峰
 韓偓字致光京兆萬年人龍紀元年進士累官兵
 部侍郎進承旨得罪朱全忠天祐二年復召為學
 士不敢入朝轉徙閩依王審知卒于南安龍興寺
 有入內廷集金鑿密記宋慶曆中丞相龐公嘗奏
 呈遺藁官其孫奕施昌言帥杭日取其詩最全者
 二十篇刻之石

周朴字大朴吳人唐末隱于安溪永安里南山下

所居有塘因名周塘山與李穎方干友善詩調清
 苦但思遲盈月而後得一聯一句雖未全篇然已
 膾炙人口後徙于福州烏石山黃巢攻閩入城求
 得之謂朴曰能從我乎對曰我尚不仕天子安能
 從賊巢怒殺之後人即其山立祠張魏公浚帥閩
 日秦乞廟額厲世賜號剛顯

陳黯字希孺穎川人十歲能詩舉進士偕計十八
 上不第值巢賊亂隱于終南山後徙于同安之嘉
 禾嶼讀書終身號曰場老所為文有辯謀等篇遺
 言三卷約大易虛一數四十九篇名曰禪正朱文

公爲之序

五代

劉乙字子真不知何許人仕閩爲鳳閣舍人後棄官隱于安溪鳳髻山終身不出與周朴詹君澤爲友君澤嘗遣子珪訪之有詩云掃石耕山舊子真謂其所咏詩有掃石雲隨帝耕山鳥傍人之句布衣草履自隨身石崖壁立題詩處知是當年鳳閣人

宋

李邴字漢老濟州鉅野人崇寧五年進士累官叅知政事後除資政殿學士提舉洞霄宮寓居泉州幾二十年與黃冠張讀等友善多遊佳山水賦詩爲娛累贈太師謚文敏後改謚文肅因家泉州有草堂前後集一百卷號雲龕先生子縝維紀綸孫說縝綸說別見

元

馬速忽字子英色目人寓居吉水登進士第歷官福建行中書省員外郎奉使廣東其妻留寓福州爲悍卒所逼妻紹之曰我職官妻女若與汝爲夫婦亦當盛服置酒成禮乃可卒喜謂其真許已也遂痛飲至醉妻以斧擊其首殺之俄同營卒見卒

先遂殺速忽妻時稱西河女丈夫速忽感其義終身不娶寓居于晉江之沙堤惟一子以從飄然若方外之士後遊羅浮山寓漳州卒速忽志操高潔崇尚名節元季士風委靡鮮有其倫

陳旅字衆仲莆田人少負笈溫陵從傅古直游有聲名中丞馬祖常奉使泉南一見竒之勉游京師虞集尤器重之薦除國子助教終監丞有安雅堂集行世通志列泉鄉賢祠

國朝

林同字于野福州人博學力行該貫經史素由禮節居家教授安貧樂道學者日踵其門洪武中寓居同安戶部李文郁師事之率其徒受學力薦于朝授同安訓導至官甫二日卒時人惜之所著有

銅魚集

人物別傳

傳菴寺也有功

孝廟可無傳乎其不得列於縉紳名之曰別傳

張敏同安人正統己巳與其族張本張慶俱以叔益彬株累被闖幸選入內敏侍

純皇帝青宮以忠謹特蒙信任成化初為御馬監太

監總督十二團營

孝宗皇帝母

紀太皇后先以嬪御得幸有娠時萬貴妃專寵昭德宮百計欲墜之不能得

上令托疾出居安樂宮以瘡報而屬門官照管庚寅七月遂誕

皇嗣

太后乳少敏使女侍以粉餌哺之既彌月與西內

廢后吳氏保抱惟謹不使萬妃知也亦以妃忌故不傳於外庭甲午

皇子生五歲矣敏因密結太監段英乘間言及萬妃驚曰何不蚤令我知遂啓

憲宗引見

皇子

憲宗命坐懷中大喜遂

冊立為

皇太子

賜敏璽書褒其忠勤是時人奉御馬監太監守備南

京慶司設監太監鎮守浙江猶子苗質俱以敏陰

起家苗累官南京通政使列於九卿矣質至錦衣

衛指揮同知管衛事而暉亦以慶蔭官光祿寺少

卿食三品俸敏卒

賜塋地通州三百畝守塋三十人其後有錦衣千戶

張鵬張臻百戶張宏恩澤之盛大璫所希

人物附傳

舊志謂臧獲而有士君子之行不敢泯也名附傳

楊郎鐵右丞舍人兒也右丞分治泉州國朝湯和取福州郎奔告右丞曰官人累世蒙國恩郎亦累世蒙官人恩今國運已去願從官人赴新橋死耳右丞曰汝言誠是遂俱至新橋凭欄良久曰且歸我有家事尚欠處治翌日郎又促之右丞復同往如前言郎嘆曰吾不忍復見官人矣投橋而死

顧黑子揚州人顧圭養子也洪武初圭僑居晉江以事繫獄累歲黑子鬻薪給其衣食有誘之他往者忙俛首不答後圭釋歸黑子復採薪易甘脆養之圭故隸戎籍子閏童當補後黑子請偕閏童不事生產窘窶日甚黑子仍為酒家傭給之積其餘為閏童娶妻士類咸嘆服之

人物未傳

史書列傳有其人弗類者亦最後乃列之自晉書始至唐宋史而其法蓋

嚴郡有蔡呂貽汚簡編自熙寧迄今五百有餘載無有踵其覆轍者故紀之曰人物未傳

蔡確字持正晉江人有智數尚氣第進士調邠州司理叅軍以賄聞轉運使薛何行部欲按治見其儀觀秀偉召與語奇之更加延譽韓絳王安石鄧綰交薦歷御史裏行王韶開熙河多貸公錢為秦

帥郭遠所劾詔杜純鞫治得實安石卻其牘更奏遣確確希意直詔旣而知神宗厭安石卽疏其過以賈直加直集賢院遷御史知雜事范子淵浚河之後知制誥熊本按行以爲非是爲子淵所訟確劾本附文彥博黜之代爲知制誥知諫院兼判司農寺中丞鄧潤甫御史上官均按陳安民獄王珪奏遣確確詣臺叅治潤甫御密奏確慘掠諸囚確伺知之卽劾二人庇有罪由是皆罷而確得中丞治太學生虞蕃獄連引朝士自翰林學士許將以下皆逮捕械繫命獄卒與同寢處飲食旋溷共爲一室久繫不問垂而得開無一事不承遂劾叅知政事元絳有所屬請出知亳州確代其位確自知制誥爲御史中丞叅知政事皆以起獄奪人位而居之士大夫交口咄罵而確自以爲得計也吳充數爲帝言新法不便欲稍去其甚者確曰曹叅與蕭何有隙至代爲相一遵何約束今陛下所自建立豈容一人挾怨而壞之法遂不變元豐五年拜尚書右僕射兼中書侍郎時富弼在西京上言蔡確小人不宜大用確旣相屢興羅織之獄縉紳士大夫重足而立確名爲次相實顯大政王珪以左

僕射兼門下拱手而已帝雖以次叙相珪確然不加禮重屢因微失罰金每罰金輒門謝宰相罰金門謝前此未有人皆耻之哲宗立轉左僕射為永裕山陵使御史劉摯主巖叟連摯之言確有十當去太皇太后猶不忍即退斥元祐元年閏二月始罷為觀文殿學士知陳州明年坐弟碩事奪職徙安州又徙鄧初神宗疾革王珪議建儲事確與同列皆在側知狀確自見得罪於世陰與章惇邢恕等合謀謂珪實懷異意賴已擁護故不得逞既失勢愈怨望怒又益為往來造言讖者以為憂未有以發也確在安陸嘗持車蓋亭賦詩寸章知漢陽軍吳處厚上之以為譏訕其用郝處俊事以斥東朝語尤切害於是張燾范祖禹吳安詩王巖叟劉安世連上章乞正確罪詔確具析確辨甚悉安世等又言確罪狀著明何待其析此乃大臣委曲為之地耳遂連責英州別駕新州安置宰相范純仁左丞王存坐簾前出語枝確御史李常盛陶翟恩趙挺之王彭年坐不舉劾中書舍人彭汝礪坐封還詞命皆罷去確後卒于貶所紹聖元年馮京卒哲宗臨輿確子謂京塔也於喪次中闌訴明日詔

復正議大夫加贈太師謚忠懷崇寧初配饗哲宗廟庭蔡京請徽宗書元豐受遺定策殊勲宰相蔡確之墓賜其家京與太宰鄭居中不相能居中以憂去京懼其復用而居中王珪壻也時謂更召懋京使之重理前事以沮居中遂追封確清源郡王擢懋同知樞密院事諸子諸壻皆擢官貴震當世高宗卽位下詔暴群姦罪追貶確武恭軍節度副使竄懋英州凡所與濫恩一切削奪天下快之

呂惠卿字吉甫南安人嘉祐二年進士爲直州推官秩滿入都見王安石論經義意多合遂定交熙寧初安石爲政力薦惠卿於神宗及設制置三司條例司以爲檢詳文字事無大小必謀之凡所建請章奏皆其筆擢太子中允崇正殿說書集賢校理判司農寺司馬光諫曰惠卿儉巧非佳士使安石負謗於中外者皆其所爲安石賢而懷不閒世務惠卿爲之謀主而安石力行之故天下并指爲姦邪近者進擢不次大不厭衆心帝曰惠卿進對明辨亦是美才光曰惠卿誠文學辨慧然用心不正願陛下徐察之江充李訓若無才何以能動人主光又貽書安石曰諂諛之士今日誠有順適之

快一旦失勢將必賣公自售矣安石不悅會惠卿以喪去服除召爲天章閣侍讀同修起居注進知制誥判國子監與王雱同修三經新義又知諫院爲翰林學士安石求去惠卿使其黨變姓名日投匭上書留之安石力薦惠卿爲叅知政事弟升卿無學術引爲侍講又用弟和卿計制五等丁產簿使民自供手實尺椽寸土檢括無遺至鷄豚亦徧抄之隱匿者許告而以賞三之一充賞民不勝其困又因保甲正長給散青苗使結甲赴官不遺一人上下騷動鄭俠疏惠卿朋姦孽蔽惠卿怒又惡馮京異已而安石弟安國惡惠卿姦諂面辱之於是乘勢併陷三人皆獲罪安石以安國之故始有隙惠卿既叛安石凡可以害王氏者無不爲韓絳爲相不能制請復用安石安石至猶與共事御史蔡承禧論其惡鄧綰又疏其兄弟強借富民錢買田出知陳州久之以資政殿學士知延州丁母憂詔於本俸外特給五萬惠卿更請支萬五千御史劾之帝曰惠卿固貪冒然嘗爲執政治之傷體姑責以義可也元豐五年加太學士知太原入見將使仍鎮鄆延惠卿知之見上云陝西師非惟不可

攻且不可守要在大爲形勢而已帝曰如惠卿言是陝西可棄也豈宜委以邊事數其輕躁矯誣之罪斥知單州元祐初惠卿見正人彙進知不容於時懇求散地於是右司諫蘇轍中丞劉摯皆條奏其罪惡乃貶建寧軍節度副使建州安置中書舍人蘇軾當制其貶辭畧云惠卿以斗筭之才穿箭之智均輸之術自同高賈手實之禍下及鷄豚始以帝堯之仁姑試伯鯨終焉孔子之聖不信宰予尚寬兩觀之誅溥示三苗之竄天下傳誦稱快焉紹聖中復觀文殿知延州夏人復入寇惠卿修米脂諸寨夏人引去惠卿自謂功未詣闕不許加武勝保寧兩軍節度使徽宗立易節鎮南因曾布有宿憾徙爲杭州而用范純粹帥延治其上功冒罔奪節度布去位復武昌節度使知大名數歲又以事致仕崇寧五年起爲觀文殿學士知杭州妖人張懷素事連其子淵配沙門島惠卿責祁州團練副使安置宣州再移廬州復觀文殿學士爲醴泉觀使致仕卒贈開府儀同三司初安石退處金陵往往寫福建子三字蓋深悔爲惠卿所誤也雖章惇曾布蔡京當國咸畏惡其人以是轉徙外服訖

於死云舊志有劉達與蔡呂並列謂其附蔡京得進耳夫進不以正宜有疵議然既反京所為矣列之蔡呂不已刻乎宋史惠喚伯籍也載達為隨縣人闕疑可也

泉州府志卷二十四

雜志

凡稗官小說談苑叢書皆以廣見聞資

其語雜而弗馴惟古蹟具一邦之故實

此五行之徵應寺觀官廟為嵩祝零禱之

盜賊繫封疆守禦之畧僊釋誕幻無據然

兩漢以後紀載實繁諸如此類名目孔多

亂絮之不可條貫也統而輯之作雜志第

古蹟類

桐城郡初築城環城皆植刺桐衢巷夾道有

號桐城

八卦溝弘治十一年御史張敏檄開城中諸河於惠民局東隣之家溝旁掘得一大甕甕鑄有巽字地在西南蓋舊以八卦之餅置于卦位非鑿溝如八卦之象也

放生池唐天寶六年置周回四里在肅清門以南貞元中作水陸堂於池上乾符六年守林廣而為院後以其地為都監解舍乾道六年忠公語僚屬曰聖節放生州郡令典泉獨無院南有池嘉蓮再生實和氣致祥之地關而

淳熙開郡以地狹僅于石筍嶺北亭之上慶元年守劉公穎濬東湖以湖之構丁丁一目

波作東湖放生祝聖寶勝禪院後四十餘年焚壅塞湖水淺涸淳祐癸卯守顏公頤仲開浚之

貢院宋乾道以前試士于類官守王文忠公相始得州治西偏部使者館始作貢院棘牆脩廡皆如例蒞事之堂校文之舍軒敞宏壯隙地植桂榜其中曰萬桂堂梁文靖公為之記時試士纔三千餘人嘉泰間應詔之數加倍倪文節公於堂左右拓闢曠地增四十五楹又二十年試者益衆真文志

公廣之增屋百三十五間又以餘力修葺未備
廡陳除翼然一新又三年予以增拓右廡為請
少卿鈞市比屋民居益百三十四間自是而規
備矣數年間石吏部起宗董太博洪相繼亞廷
王太博曾以春秋擢省闈第一人以為地靈之
云今為晉安驛

石井鎮在晉江縣東南六十里修仁里安海市
客舟自海至州遣吏權稅于此號曰石井津建
四年請于朝乞差官監臨置迪功郎一員充監
稅始於市創鎮城疊石為門鎮旁有亭巍然臨

羣峯秀麗扁曰雙明

都稅務在鎮雅坊街東熙寧八年建稅之目有七

曰門稅市稅舶貨稅絲帛稅猪羊稅浮橋稅外務

稅嘉定十年守真西山公移建于浯浦天妃

宮前

東倉在子城內譙門東晉江縣治之左慶元六年

守劉公穎建以收納糙米給廂軍月糧嘉定元年

守倪公思重修

西倉在子城內儀門西觀察推官廳之右嘉定十

一年守真文忠公重建以收納白米給官兵宗子

俸糧

南外宗正司舊在肅清門外正統三年奉例織造知府尹宏以其故址之半改為織染局今局地為宦家分佃又宗正司有芙蓉堂天寶池後俱入于水陸寺今亦為宦家分佃又有忠厚坊知宗希袞立今坊廢而鋪猶以忠厚名

染局宣德三年因內使阮禮督造至鄰廝買民地于府治東南俊巷創建正統年間織染歸併一局成化年間又將染料類解福州募造嘉靖三十三年知府童漢臣移染局于府治後東畔南俊局地賣為民居該局原設大使副使二員先奉

欽依裁革副使一員其後大使一員并奉
肯裁革府後前局亦空署而已

新舊睦宗院有元祐堂宋淳祐六年知宗希袞建又有王祠在舊院內祀二十三王今廢

宗學在舊睦宗院門之東紹興初置堂曰彰化齋有三曰宗強曰信厚曰立愛嘉定十三年更堂曰崇教增齋曰懷德更信厚曰升賢齋有長諭皆以宗姓講書教諭則以庶姓又有清源書院在新睦宗院內知宗希袞建

宋州治舊有中和堂初名愛松又有清暑堂安靜

堂在州治內又有宣化堂韓中令祠韓忠獻祠在州治後

唐六曹新都堂即司功司戶司倉司法司兵司田六參軍廳在舊州治前左右

宋通判廳舊有清白堂在廳事西又有康海堂在廳事東嘉定十一年施誠一建

福建兵馬都監廳舊在肅清門外後守宋鈞爲行衙闢都教場於朝天門內以舊教場餘地作兵馬都監廳

簽事判官廳紹興二十六年因架閣庫舊地改建淳祐間董元龍新之

簾度推官廳有納涼軒在廳事西下瞰蓮塘其臺曰桐城道院林希逸更名曰敬義堂元推官徐居正重修

觀察推官廳在州治儀門西紹興間陳俊卿重建今爲興泉道

錄事參軍廳即今千戶所之西嘉定十五年宋少卿鈞重建

司理參軍院即清源驛太平興國中改爲院舊在子城內後徙肅清門外

司戶叅軍廳在州院之側即今中千戶所之西
司法叅軍廳在州治儀門之側即今後千戶所

宋先賢祠在州學禮殿之東初祠四公唐相國常

公衮四門歐陽公詹宋龍圖柯公述寶學劉公子

羽後益以西塘鄭介公俠嘉定己卯真文忠公德

秀始合而祠之以王文忠公十朋尚書程公大昌

顏公思魯秘書林公枏有教士愛民之德修舊起

廢之功又中令韓公國華駕部孫公逢吉陳公侗

忠簡趙公鼎皆以精忠厚德先後作牧相公姜公

公輔坐直諫謫別駕御史游公酢抱遠學誦元履

魏國韓忠獻王琦國之元勳誕育于此忠肅陳公

確古之遺直侍親于此魯國曾宣靖公公亮魏國

蘇公頌則鄉之碩望凡二十人咸繪像焉紹定改

元益以倪文節公思樞密程公卓少卿宋公鈞爲

二十三人後真文忠公卒邦人復繪像焉今廢

瑞蓮堂在州學講堂之右爲梁文靖公肄業所紹

興二十九年秋堂下池產雙蓮守辛公次膺以詩

紀瑞是年公首送明年廷策爲第一不十年至宰

輔乾道七年林教授岳建斯堂嘉定十六年立文

靖公祠其中晉公親學而書之

魁瑞亭在舊晉江縣學前舊名槐亭慶元四年雙蓮產于亭下之池時樞密使曾公從龍爲縣學諭明年擢進士第一解教授邦俊易是名十年遷教授廳東有溫知室西有儒隱堂堂之前有萬卷樓下瞰泮池淳熙中蕭鶚建今廢

泉州宋時自西北取劔州路出城西義成門至南安汰口驛永春桃源驛德化龍浚驛上壘驛抵尤溪縣迤邐經西芹至延平建寧爲避福州大義江之險然山嶺高峻今不行
皇績庵在東城外嘉定十四年守宋鈞建七里亭在城東七里淳祐中建

二山亭在北樓上宋郡守陳康民建對清源巖山故名

喜雨亭在清源下洞前宋郡守韓仲通禱雨北山有應因建是亭

望州亭在北山瑞像巖絕頂

望僊亭在清源上洞前

千峯紫翠亭在北山之麓

二公亭在東湖太阜中唐刺史席相別駕姜姜公輔構郡人呼爲二公亭唐四門博士歐陽詹記

蔡忠惠公祠有洛陽橋記出公自筆大書刻石樹于祠廳事中至今搨之流傳海內

安平出城十里許有大佛寺石佛高五六丈餘旁有大石鐫泉南佛國四字字高六尺宋王梅溪公筆

清源山碧霄巖有壽字高二丈刻石壁上宋淳祐

三山林奠爲同安令奉父登游書以祝壽有記

天風海濤樓在晉江縣三十六都石頭山宋建

南安縣墨妙堂在九日山寺宋乾道六年建陳知

柔有記

同安縣高士軒朱文公建在同安縣主簿廳

惠安縣鳴臯堂在惠安縣治左宋知縣李侯惟一

鶴自隨于堂中與士友商論古今鶴立其旁時或

一鳴聲徹雲表故名

永春縣桃林場在魁星山下今其村曰上場

永春縣治有清和堂堂後飛杠跨水四面蓮塘橋

東有多暇亭亭外爲平遠臺宋令江公望建

魁星亭在縣東與文廟對宋紹興間令黃瑀建

德化縣春波樓在縣門南宋宣和間令陳熊建前

瞰溪流淳祐丙午尉孫鳳爲門以翼之

唐歐陽詹故宅在府城南三十五都潘湖 宋柯

述故宅在晉江縣玄妙觀前 崔珙故宅在晉江

縣南俊巷 梁克家故宅在晉江縣學東 諸葛

廷瑞故宅在府城執節坊內 李邴故宅在晉江

縣學前蔡巷內 錢熙故宅在李邴故宅之南

石起宗故宅在府城萬石坊內 留正故宅在府

城西隅文錦舖 傅察故宅在舊通津門直北今

宅前忠肅坊猶存 曾公亮故宅在傳府東舊南

城下狀元坊左 呂夏卿故宅在府城陸宗院之

西偏 陳從易故宅在呂宅之西 蘇頌故宅在

同安縣西北葫蘆山下 留從効故宅在永春

十四都留灣

林九牧墓在仁風門外東湖之東 曾會墓在府

城東北三十八都 王審邽墓在府城東鳳山

梁克家墓在府城東三十七都梁相山前 留從

効墓在晉江三十八都青陽山 留元剛墓在晉

江縣三十一都後寮 傅壘墓在府城南磁窰村

傅察墓在晉江縣三十三都犬平嶺 姜公輔墓

在南安九日山麓 留正墓在南安三十一都楓

林山 蘇緘墓在南安縣北三都葵山之麓 莊

夏墓在南安縣東三都京塘 諸葛廷瑞墓在南
安揚梅山下 劉昌言墓在南安三都潘山 曾

從龍墓在南安白石古樓村 唐王潮墓在惠安
盤龍山下 宋陳孺墓在惠安盤龍之西 趙將

軍墓在惠安縣北十五都龍頭嶺下 呂夏卿墓
在惠安白巖山 賴銳墓在晉江縣三十一都三

岳走石山 蔡清墓在府城東南三十八都後渚
山 顧珀墓在府城東南萬歲山東 張岳墓在

惠安縣東三十都許山之陽 陳琛墓在晉江縣
三十二都秀林山 蔡克廉墓在晉江縣四十一

都蓮村山玉泉里 黃養家墓在南安縣三十三都柯
林山 黃光昇墓在南安縣三十二都鐵竈山 陳道基

墓在晉江縣一都前埔科山 莊國禎墓在南安縣二都
一畝黃石頭 詹仰庇墓在南安縣二十二都觀音山

王用汲墓在晉江縣三十六都海印山 楊廷相墓在
晉江縣一都對錦山碧湖口 楊道賓墓在南安縣

三十二都霞溝 郭惟賢墓在
吳全墓在晉江縣廿一都雙坑全子尚書文據占籍江寧監坊墓所

祥異類

唐貞觀二年蝗 二十一年八月海溢

宋至道三年五月甘露降 咸平三年二月甘露降 天禧五年三月甘露降 治平三年夏六月

大雨城市水漲壞民屋廬數千百家 治平四年

秋地震如雷 熙寧二年大風雨溪洪與潮相激

漲溢損田稼漂民廬舍 十年饑 紹聖三年七

月水三日壞城郭廬舍 崇寧元年歲大旱水泉

涸山中民汲水至三十餘里鄉人多暍死 乾道

三年五月郡城火是月丙午大雨四旬晝夜不止

淳熙元年十二月郡城火燔城樓及民居 十一

年四月不雨至于八月是年無禾 嘉定九年大

水漂田廬害稼 十六年秋大水壞田稼 永春

樂山之東有橋一株隨人取食如懷橘而歸則袖

中變爲蛇蝮人號爲東臺僂橘 永春樂山龍潭

有人釣一魚忽變爲雙髻嬰兒其人擲釣而去人

號北臺神魚 德化寶藏寺未建之時有牧者繫

牛於此忽有一人追之須臾不見後即其地掘之

得洪鐘扣之其聲鈞然聞于數里鄉人爲蓋寺故

以寶藏名 德化東西團有蔣氏者所居門外有

巨木十四五圍葉有稜刺莫知其名百鳥不敢棲

德化縣惠民里下碧村有一農夫耕于野婦饑

之適飯有沙怒其婦欲毆之偶值張道人過見之
爲勸止道人一頓足而地震曰沙去矣今環五里
許無沙

元至元二十七年二月地震六月大水 泰定元
年饑賑糴 元統元年大水漂民居數百家 至

正二年九月大風雨永春縣南象山崩壓死甚衆

十年十月安溪侯山鳴二日 十三年七月雨

白絲丁卯海水日三潮 十四年大旱種不入土

人相食 二十六年七月同安大雷雨三秀山崩

朝洪武九年大水蕩沒民居無數 二十年德化

里虎爲災群虎四出有白晝噬人於牖下者民緣

是死亡轉徙相續戶口耗田野荒 三十一年大

水壞民廬舍 正統十年五月大水 成化十二

年大旱饑 十八年七月永春大雨至于八月洪

水泛濫瀕溪民居滄死者衆 二十一年自春徂

夏積雨連月田廬禾稼多爲所壞 二十二年春

三月旱夏五月六月大旱禾死秋復旱民多流移

九月地震三次 二十三年春旱無麥秋大旱無

禾 弘治六年秋月初三日大風雨自卯至申揚

沙石開元寺西塔葫蘆傾覆林木折魚數城鋪粉

堞頽十之九壞官私廬舍商舶民船不可勝計是年大有秋甲寅麥復大熟弘治十年安溪縣三公峯崩聲如雷十二年冬甘樵生花其結實如黍是年饑十三年三月地震有聲十四年大旱無禾是年安溪縣午山崩十六年七月九月大水漂沒民居正德八年饑旱民採草木實有餓死者十一年八月地大震安溪午山又崩十二年地生毛一夜長二三寸或四五寸有白有黑民驚駭莫知所爲兩閩月乃沒十三年南安縣麥一莖兩穗同安縣粟一莖五穗十四年安

溪地震

十五年三月二十五日安溪地大震聲

如雷

嘉靖五年永春五月不雨七月十七日忽

有物如西瓜從天而下流轉於地有聲若雷不甚烈民駭不識須臾火發聲震眾昏眩仆地有震死者既而雨下如注七年八月同安初九日夜

大風拔木發屋尾至初十日晚雨下如注風乃止

十一年冬雨雪同安次年大熟十五年十六

年旱饑民多流殍施粥發賑無救死者十七年

同安甘露降凝木末如飴人爭採之御史李元陽

奏進薦于太廟二十一年五月十三日同安

將晡時海中氣蒸如霧有斷虹飲海而起日下赤雲夾擁南飛至夜分大風起屋瓦盡落巨木悉拔

二十三年二十四年相繼大旱民饑死者載路

二十三年五月南門橋十字街燔民居三百七十餘間

二十六年八月大雨郡城南街水入人家滄至半壁各鄉俱水災

三十六年冬訛言有馬精者其來見火星墮地婦人犯之輒昏仆以桃

柳枝撻之乃甦否則必死戶懸桃柳夜聚婦女露

坐男子環守之鳴鑼鼓達旦有司禁不能止有黃

冠者驚符于市捕訊之果得所爲火星衆始釋然

妖遂寢 四十一年郡城瘟疫人死十之七市肆

寺觀屍相枕藉有闔戶無一人存者薰蒿悽愴不

可忍聞市門俱閉至無敢出 是年德化田鼠大

作一畝之田至有數千春食秧冬食穀畦畔介然

鼠道草爲不生次年穀貴人多饑死 四十三年

五月淫雨不止大水入郡城鄉村皆浸人畜多死

是年五月十九夜德化暴雨黎明縣前水深丈餘

衝激之聲若雷民居漂流過半男女逃縣後山須

臬間街之南北不可相通東城崩壞無餘 四十

四年三月十七日同安疾風迅雷陰雨如注至未

時忽昏如夜咫尺不可物色行人阻駛至申盡乃
稍開霽 四十四年十二月初六日大雪山村雪
厚至三四尺四五日方消郡從前少雪人以為異
是四十五年正月元日夜地震墻屋搖動是月十
六日德化大雨雹五月二十一日夜郡城大風雨
如雷響城樓鋪梁多壞清軍館前大榕拔起田禾
多害七月初十午德化雲暗如昏大風猛烈冰雹
如彈人皆閉戶移時啟視四山盡白平地盈尺秋
久大旱晚禾無收 隆慶元年正月二十九日酉
刺地震二月二十一日未時小震四月初三日酉
時又震四月初八日雨至五月初一日乃止永春
四五都岐山崩是月有豹入郡通淮門至于教場
獲之 二年正月十四日石筍橋第十二間有石
梁一鳴三日而折 二年春麥禾大熟 隆慶二
年至萬曆元年俱有年 二年九月暴雨三日洪
水高漲郡城東西隅尤甚市可行船廬舍傾圮瀕
溪民畜溺死無數 七年正月不雨大旱蝗民饑
饑六月乃雨 九年五月同安長興從順里蛟起
雨傾如注漂流人居多溺死者 十三年有年
二十二年四月惠安地震如雷東方來向西方去

二十四年八月惠安颶風大作九月地大震洛陽橋欄扶多墜于海二十五年同安積善翔風等里雨雹大如瓜小如桃碎瓦損麥移時而止二十八年八月同安地大震二十九年七月永春霖雨數日大水自山中發溢入郡城三十一年七月惠安地震八月同安大颶風海水漲溢積善嘉禾等里壞舍溺人無數十月地生毛十一月二十八日申時有大星如毬自南有聲是年漳泉人販呂宋者數萬人爲所殺無遺三十二年十一月初八日地震初九夜大震自東北向西南是夜連震十餘次山石海水皆動地裂數次郡城尤甚開元東鎮國塔第一層尖石墜第二第三層樓欄因之併碎城內外廬舍圯覆舟甚多三十三年十一月南街頭火發延燒百餘家南至金鐘巷口東至四科亭西至旌孝坊南附近木石坊俱燬三十四年八月初七日颶風異常作一晝夜城中石坊飄倒十餘座開元西鎮國塔銅葫蘆鐵蓋飄折崩壞是年饑三十五年正月地震門戶搖動有聲八月二十八日颶風大作府儀門府學櫺星門頽東嶽帝殿壞北門城樓半圯城自東北抵

西南雉堞窩鋪傾圮殆盡洛陽橋樑折城中石坊
飄倒六座 三十七年五月初六日地震門戶屋
瓦俱搖簸有聲

按舊誌所載及隆萬來四十餘年間大率多異而
少祥夫必珍禽異獸奇卉殊木以爲祥則祥未必
有卽有之亦無益於生民日用今使郡邑中雨暘
盡若時和歲豐天無旱暵水溢之苗人有畝棲野
被之樂如所稱閭井嬉戲若小兒狀豈不爲至祥
極瑞也哉來暮興歌麥岐起頌無祥之形有祥之
實乃爲真祥反風滅火蝗不爲災理或有之六言
却亦多方矣太上脩德有味哉其言也

寺觀宮廟類

開元寺在肅清門外唐之城西門外也邑長者黃
守恭晝夢有僧欲化其宅爲寺守恭曰待桑樹生
蓮花乃可耳不數日桑樹盡生蓮花守恭神之卽
捨爲寺初名蓮花寺唐開元二十六年令天下佛
寺皆名開元遂改今額元至正間災洪武初重建
佛殿永樂戊子再增廣之寺有東西二塔東塔號
鎮國唐咸通六年文偃禪師作木塔九層宋天禧
中改十三層紹興中改木爲磚高七層嘉熙二年

本供禪師易磚爲石僅一層止法權繼之造四層
天錫成之作第五層至淳祐十年完其上合尖有
鐵香爐銅寶蓋鍍金銅葫蘆塔八角以鐵索鈎之
每層中爲塔心環轉空洞外爲八窓各有龕龕內
安石像一龕外兩壁翼以神像各二又外遶以簷
廊護以石欄廣圍圓一十七丈二尺高凡一十九
丈三尺五寸西塔號仁壽五代梁貞明二年建初
閩王審知於都督府造木塔七層塔成而沉地湧
出泉審知夢應在泉州遂以木植浮海至泉建塔
號無量壽塔宋紹興中火改造磚塔寶慶中始爲
石塔比東塔工巧相似第圍少五尺高少一丈五
尺五寸海內以爲壯觀萬曆丁酉年守恭裔孫恭
政黃文炳修正殿法堂及兩廊萬曆三十二年地
震東塔頂蓋石角折邑人侍郎詹公仰庇鳩財自
修之萬曆三十四年大風西塔葫蘆壞大學士李
公廷機鳩財命修之

承天寺在崇陽門內之東南唐天祐中王延彬始
創福先招慶院於北山後燬于兵留鄂公從勅乃
以別墅南園爲寺號南禪捨田庄九百石而併以
招慶之業歸焉宋景德間賜名承天元末兵火鮮

有存者洪武初僧原輔建佛殿道陵建法堂東西
二經藏智莊建輪藏及三門永樂甲午僧得衆建
羅漢堂丁酉僧至昌建山門嘉靖壬辰建鄂國公
及祭酒紹鑑丞相忠宣公檀越祠于法堂之前已
未佛殿兩廊輪藏俱火于客兵庚申僧方燦募緣
重建佛殿萬曆二十四年僧宗彬捐貲修補陀觀
音佛像并春廊萬曆丙辰年僧慈約重修東西廊
及佛殿接銅佛手再造粧三佛阿難迦葉金身
崇福寺在城內東北隅相傳寺故在城外陳洪進有女
出家拓羅城包之名千佛庵元祐六年改崇福今廢

光孝寺在郡城東南隅宋崇寧二年郡守潘珪奉
詔以南草場廢地建初名崇寧寺紹興十年改光
孝寺嘉靖三十八年移入承天寺右畔萬曆己丑
年僧廣福重建萬曆壬子年僧廣通重建法堂
水陸寺在肅清門外西南唐天寶六年置放生池
建水陸堂其上後廣爲院嘉祐中郡守蔡公襄改
爲寺南外宗正司在焉蒲壽庚據泉盡殺南外宗
室至元復建爲寺今廢

資壽寺在行春門外北隅俗呼北藏寺宋初陳洪
銛建爲兄洪進祈壽故名資壽嘉靖間設叅將府

於原城隍廟地乃以是寺改為城隍廟
 東禪寺在仁風門外東湖畔唐乾符中郡人郭飯
 卓懌市州人蔡耽之宅構庵以居僧名齊固者至
 廣明元年改名東禪今廢僧近修其廢址寸之一
 兼祀知縣彭國光彭為僧復廢田者也
 法石寺在通淮門外萬歲山陳洪進蔡妻及女于
 此山之岡旋建寺以資冥福乾德賜名法石今廢
 安福寺在三十三都龍首山下唐垂拱間建今廢
 保福寺在三十三都唐保大間僧雪證建今廢
 廣教寺在臨漳門外五里許留鄂公建宋紹熙元
 年改廣教今廢

法雲寺在青陽山唐天祐間刺史王延彬建今廢
 普照寺在靈應山下唐天祐間僧鄣操建今廢
 方廣寺在七都五代時僧文直建今廢
 空相寺在十九都靈秀峯之下後梁開平中僧如
 默建今廢
 杉植院在四十三都唐咸通間僧無想建
 禪悅寺在四十七都元至正間僧自得建今廢
 泰嘉寺在北山阿宋紹興間僧靈源建庵于此洪
 武初改為寺今廢

吳州府志 卷之二十一 陳世

清淨寺在郡城通淮街北府學之東宋紹興間回人茲喜魯丁自撒那威來泉所造樓塔高敞相傳為文廟青龍之左角教以沐浴事天為本詳三山吳鑒記中元至正間寺壞里人金阿里修之

國朝正德間住持夏彥高鳩眾重修隆慶丁卯木塔壞知府萬慶捐俸令住持夏東升教人蘇養正等修塔五層萬曆三十七年地大震樓頽其角而寺中房屋占住幾百餘人污穢破壞知府姜志禮知縣李待問捐俸重修悉驅出之仍構亭宇寺為一清令教人林日耀住持夏日禹董其役孝廉李光縉有記

玄妙觀在晉江縣治之南唐神龍元年建名中興觀未幾改龍興開元中改龍興為開元而以老君祠為龍興觀宋祥符間改天慶後改玄妙併開元觀入焉

紫極宮在晉江縣玄妙觀之西留鄂公從効以迎恩館為之今廢

天妃宮在郡城德濟門內神本姓林世居莆陽之湄洲嶼父林愿天妃其第六女也生有祥光異志長能乘席渡海常乘雲游島嶼人呼曰龍女宋蔡

熙四年九月二十九日昇化後人見朱衣飛行水上天聖間立廟蒲之西山賜額曰順濟泉州建宮自宋慶元間里人徐世昌始時羅城尚在鎮南橋內而是宮適臨浯浦之上當筍江巽水二流之匯有禱輒應今德濟門當其陽矣永樂五年使西洋太監鄭和奏令福建守鎮官重新拓之而宮宇益崇

東嶽行宮在郡城仁風門外鳳山之陽宋紹興二十一年尚書張汝錫捐已金帛開山鼎建塑造嶽帝及曹司官屬神像萬曆三十五年地震前殿盡圮副使姚尚德知府姜志禮捐金重建募緣佐之邑人詹仰憲主其事

關王廟在郡城通淮街北郡人奉之特盛廟有左右堂萬曆四十年復塑三義諸葛武侯像並祀於廟堂之右三十八楹固賜新中呂元亮詩玄帝廟在郡城東南石頭山廟枕山漱海人煙輳集其下宋時爲郡守望祭海神之所

南安縣

延福寺在九日山下晉太康時建去山二里許唐大曆三年移建今所宋乾德中陳洪進增建乃改

名曰延福

報親寺在一都金鷄橋南宋太平興國六年建後
圯且廢僧廣旭募緣重建廣旭即原任貴州總兵
張奇峰也

佛跡寺在三都唐光啟二年建今廢

報幼寺在三十九都周顯德中呂元亮捨居第建

靈臺寺在三十二都

雙林院在五都宋崇寧三年僧師厚建今廢

同安縣

梵天寺在大輪山之阿舊名興教宋熙寧中改名

梵天洪武丁巳僧無爲重建寺後爲法堂又後爲

寢堂由寢堂出齋舍而東有晦翁刻戰龍松三大

字于石旁有泉歷壑而下曰靈泉越壑而上則瞻

亭二字倒掛於石亦晦翁書迤北而行下瞰絕壁

有達夫巖三大字達夫姓名莫垂時爲同安令與

張元卿黃希聖數君子同游興教寺北巖刻石紀

其盛云上復有層巒疊嶂伏異形翹然翔者若

鳳踔然遊者若麟擾而馴者若龍曳而伏者若龜

深然而不知其止者爲虎穴從徑北躡其巔則煙

火禹家峯嵐四望天風浩蕩海色蒼冥且歸一覽

晦翁有隸書於石曰極目翠微之際別朱祠在馬

天興寺在佛子岡隋末莆田黃氏女結庵修行于此元泰定間達魯花赤建爲寺今廢

智門院在人得里十一都初名南峯元至元間改智門洪武辛亥僧法多重修

嘉福院在安人里十五都洪武辛酉僧少翁重建

真寂院在安人里十五都夕陽山刺史王廷彬建

洪武辛未僧雪峯重修

晉照院在嘉禾里二十二都海島中五峯山五代

僧清浩建洪武乙丑僧覺光重建

正悟院在嘉禾里二十二都海島中五代僧徒煥建

朝元觀在慶豐門外宋嘉熙二年建洪武十五年重建

近四鎮廟曰北鎮曰西鎮曰同山曰昭應外四鎮廟曰廣利曰東鎮曰西鎮曰南鎮

東嶽行廟在城東二里許官路之北

慈濟廟在縣西南積善里之白礁神姓吳名本世住白礁平生醫灸濟人明驗如神及卒鄉人祀之

馬牧王廟在翔風里十九都其人陳姓唐時牧馬

翔風之山馬日蕃人買馬輒以馬贈及過江僅所買之馬在人以為神及卒鄉人祀之

豪山廟在馬鞍山之麓朱文公真西山祈雨于此輒應成化戊申夏旱尹張遜修二先生故事甘雨立至重修其廟

惠安縣

寂光寺在縣南一都盤龍山之後即唐王潮故宅潮歿葬于此山南唐保大間留從効建寺名曰寂光永樂五年僧惠日重建

宣妙寺在縣南二十九都唐天寶間里人王氏今廢

大晋安寺在縣北五都南唐保大間檢校禮部尚書江盈建今為叢林

大福勝寺在縣南二十五都錦田山之麓唐文德中侍郎黃訥益建元至正間僧妙峯重建

乾峯寺在縣北觀光坊萬歲坡之麓梁貞明二年建洪武辛亥僧南州重建

靈應寺在縣南十九都白沙宋天禧間道人王道詢建初建時埤沙為庵潮水蓄之道詢以扇麾曰海於天地間最大豈不能尺寸地相讓邪潮立退

三尺以泥塞其衝墀遂固寺今廢

國常寺在縣南二十八都靈瑞占崇乾化二年僧

景輝建

金相寺在縣東二十三都龍興山下梁乾化三年

僧一衲建

東嶽行宮在惠安縣北萬歲山下洪武十八年里

人張崇道重建三十五年知縣陳永年修之

青山靈應廟在二十六都神姓張名相閩時嘗營

青山下以禦海寇宋建炎間海寇作神有陰助功

聞于朝賜額誠應

鳳山通靈廟在二十一都之鳳山三國吳時有黃

將軍名興及妻曹氏葬於此山常有雲霞覆其上

居民祈禳皆應云廟江濱祀之一夜雷雨大作廟

忽自移山下宋淳熙間海寇入界神所居前後常

聞鑼鼓聲旌幟羅列賊不敢犯聞于朝封順濟侯

濟陽蔡兵馬廟在十都吳山南神諱鎬莆人仕梁

爲兵馬使擊賊有功沒葬大鄉溇之西山鄉人祀

之

靈應廟在十都廟有二像曰監倉陳公國忠曰青

嶺鄭公濟時皆光州固始人避地入閩遂居焉歿

而廟食宋紹定間海潮暴溢民居盡沒惟廟獨存
淳祐六年賜今額

大蚶廟在十一都海濱昔海濤洶湧有物輪困高
大如屋乘潮而至鄉人異之爲立廟

昭惠廟在萬安橋北蔡忠惠作橋時即建是廟以
奉香火

報勅院初僧清憚參馬祖歸居于牛頭山大中初
里刑部郎中陳嘏捨地建爲請額于朝得今名

安溪縣

清水寺即清水巖在崇善里正統間建嘉靖八年

災復建

龍津觀在縣治南天順四年建成化十九年道士
劉時靜重修今爲祝聖習儀之所

東嶽行宮在鳳髻山之麓每歲於此迎春
青溪宮在感化里宣德間邑人李森建

龍僊宮在來蘇里洪武間胡氏女名僊英及并將
嫁白日飛昇次日侯山之旁現身跌坐里人異之

塑像以祀

覺苑院後唐時南嶽僧樂其山水有卜居之意僞
閩王繼勳捐地建庵留鄂公廣之爲寺寺臨溪幽

勝邑令陳熊顯有水落舟橫露淺沙粉垣松桂古
禪家之句

永春縣

太平寺在十五都唐開成二年建初名龍安至正
間改額太平洪武三年重建

白馬寺在十四都白馬山巔唐大中二年建

惠平寺在十三都唐大中間建額曰臨水宋慶曆

間重建改今名

延壽寺在八都唐大中間建宋治平中重建

護國寺在十二都

南峯寺在十一都

梁山寺在十四都

興善寺在十四都

普濟寺在七都成化己丑建

巖峯寺在九都宋紹興間建

雲居寺在十一都唐大中間建

雲峯寺在十六都唐乾元間里人王坤建

西峯寺在十九都唐咸通間建

東壺寺在十六都

白雲寺在十七都唐大中間建

苦竹寺在二十一都

東嶽行宮在十四都東渡橋東洪武二十二年

建年

樂山廣福王廟在十五都其神甚靈響俗敬祀之
宋嘉定中歲大旱郡守蔡襄禱雨有應以狀聞封

善利王尋加廣福

留廂使廟廟之神爲光州固始人名失傳生梁乾
化間石晉永隆四年補廂使團練次年契丹犯闕
神避地桃林既沒有靈鄉人立廟祀焉

石鼓祠在縣西二十三都宋紹興二十五年邑令
黃珮建祠瞰溪溪心有石如鼓相傳能鳴雨鳴則
晴旱鳴則雨雨旱禱之輒應故名

龍潭祠在十四都龍潭上先是閩王審知使袁昭
以兵鎮桃林既卒鄉人即其山立祠祀之

東臺僊祠祠之神爲光州人名失傳初從王潮入
閩爲奮威將軍統戍桃林因家焉歿顯其靈以衛
鄉井因祀之

德化縣

程田寺在靈化里五代時邑人程國知施田建寺

因名

戴雲寺在新化里宋端拱二年僧懷整建

儀松寺在永豐里後唐長興元年僧行豐建今
相安寺在新化里宋丞相曾公亮曾留宿於此故

名

龍潭寺在新化里大湖山多異花奇木靈跡勝

五華寺在永豐里五華山唐咸通間僧無晦建庵

因坐遊邑人遂創寺塑真像祀之

香林寺在湯梅上五代末僧守珍建

中興寺在永豐里南唐中僧行邠建

雲峯寺在小尤中團

東嶽廟在龍潭山麓宋嘉熙己亥建宣德間何令

復重新

忠應廟在縣歸化里即顏長官祠三神一姓莊名

賦桃源人紹定間有驅寇功一姓鄭名昭祖邑人

有惠愛於鄉故並祀之

英顯廟在湯泉上團神諱謨烈宋紹定三年以捍

汀寇功賜今額

小尤廟在小尤上團二神一姓章一姓林唐末避

黃巢之亂居此歿而有靈鄉人祠之

盜賊類

唐末盜起壽州人王緒攻陷光州固始為蔡州秦

宗權所攻率眾南奔自南康入臨汀陷漳浦至南安所在剽掠為其軍校王潮所囚自殺

宋太平興國初僊遊盜起眾十餘萬攻郡城城中兵僅三千勢危急通判喬維岳固守轉運楊克讓

率兵破賊解圍 建炎中楊勅寇安溪還集里人鄭振率鄉兵破走之 紹興十三年郡盜四起號

曾少龍周老虎何白旗陳大刀詹鐵又擁眾數萬帥司檄鄭振擊之賊遁去十六年詹鐵又復來寇

勢甚銳振率眾與敵手殺數十人遂死之 紹興十五年山寇出沒汀虔惠潮漳泉統制劉寶將兵

討平之 乾治七年島夷毘舍邪掠海濱八年島夷復以海舟入寇始置水滸寨即今永寧以控禦之

淳熙七年江舟賊沈師作亂泉州大震戍將蕭統領戰死知泉州程大昌趣統制裴師武討之賊遁

去 開禧間有劇賊號過海龍攻掠臨漳泉城晝閉 嘉定十一年海寇趙希卻等衝突圍頭知州

事直德秀請移寶林寨兵戍圍頭立寶蓋寨分地巡徼獲趙希卻誅之 紹定二年汀邵盜晏彪等

起三年分黨破龍巖長泰遂由漳境徑犯永春德化招捕使陳韓提兵督捕汀境平四年韓至邵武

泉州府志 卷之二十四 三 葉案

彪力屈降誅之 紹定五年海賊王子清等泊舟

圍頭灣知州事直德秀遣隊將王大壽防遏猝與

賊遇大壽射賊十餘人賊爲奪氣竟以獨力難支

死之官軍乘進遂有沙陶之捷 寶祐六年冬山

寇犯永春縣隅總陳士英率民兵二百人奮擊死

之 開慶元年山寇復薄永春縣隅總卓子信死

之 咸淳末海賊寇郡境時西域人蒲壽歲壽庚

兄弟在泉俱無賴擊賊退之以功累官沿海都制

置 德祐二年元伯顏遣不周青寇泉州 景炎

元年宋端宗即位于福州尋入海航于泉州港命

潘壽庚將海舟以從壽庚閉城拒命時元伯顏遣

唆都寇泉州壽庚遂以蠟丸累表由水門潛出納

款二年張世傑自海上復回討賊壽庚遣其賊黨

孫勝夫詣杭求救於唆都盡殺宗室千餘人及士

大夫與淮兵之在泉者備極慘毒張世傑攻九十

日不下乃去之

元至正三年正月泉州民劉應總作亂命江浙行

省遣兵捕之 十年同安盜掠海濱監郡僕王立

俘其魁 十一年冬山賊寇安溪縣監郡僕王立

捕獲平之 十二年夏僊游流賊剽掠有司禦之

遁去 十四年夏安溪盜李大南安盜呂光甫聚
衆爲亂七月圍泉州城不克 十七年萬戶賽甫
丁阿迷里可反據泉州民大被荼毒 二十五年
湖頭賊張治仔剽掠諸邑 二十六年南安盜陳
七師作亂有司討平之 西域那兀納者以總諸
番互市至泉元末兵亂遂攻泉州據之福建行省
平章燕只不花用陳駭計執那兀納檻送行省時
陳友定敗我參軍胡深元王以爲福建行省平章
政事遂發兵攻泉州漳州臨之泉民先經回寇塗
炭繼爲友定荼毒至洪武元年 天兵南下始出
盜賊淵藪云

國朝正統間建昌人鄧茂七聚衆殺人縣官捕之遂
拒捕率黨劫上杭汀州正統十三年據杉關攻光
澤縣大掠順流而下攻邵武掠庫藏數日至順昌
縣時尤溪爐主蔣福成亦號集爐丁劫取聚落旬
日至數萬人襲尤溪與茂七聲援遂攻延平等拒
官軍官軍皆沒御史丁宣等發牌招之茂七等殺
齎牌使者據王臺地方立總甲里長殺張都司勢
益熾遣賊將陳教德由德化寇永春永春民郭榮
六擊破之餘賊吳都總等分寇諸縣遠近望風降

附將攻郡城郡守熊尚初請調衛軍未下自提民兵與晉江簿史孟常陰陽正術楊仕洪拒于城南古陵波被執皆死之巡按御史張海上其事

上遣都督劉得新陳榮與都御史張楷等親諭務要勦滅盡絕陞辭又諭爾毋不可遲福建一方百姓望你每來救他務要將賊人殺滅盡絕楷等分道入閩乃平諸賊

弘治四年漳平盜溫文進寇安溪攻陷縣治永春南安郡城一時騷動副使司馬璽督官兵討平之

正德元年流賊剽掠涵市郭景二率兵迎之上禽大殺賊景二乘勝深入後鋒弗繼遂沒于賊是年廣東盜寇漳州始人不滿九十自南靖流掠長泰所至俘質男女索金帛官兵不能禦遂至安溪永春而去二年廣東盜寇南安至晉江安海官兵襲之爲所敗遂肆掠而去三年廣東盜復寇安溪南安五年廣東盜復寇永春安溪南安至晉江安海肆掠甚慘九年汀漳盜流入安溪南安永春德化肆掠而去

嘉靖元年秋廣東汀漳盜流寇安溪南安德化遂

入永春知縣柴鏞率民兵禦之八月丁亥戰于南
桐義士尤新五等死之庚寅戰于赤水賊敗走義
士蘇端舉等死之十二月辛丑復戰于胡坑賊敗
走義士何廷燦等死之二年元日賊至自德化
掠永春官兵邀之花石嶺鍾旺輝死之戊申覆
兵設伏以待賊突圍去郭顯七等死之他賊聞覆
鼎有備奔安溪官兵亦以是日敗之于加胡隔辛
亥泉兵與賊戰于高坪敗擄泉州衛經歷葛彥乙
酉漳泉合兵復戰于霞村擄漳州府通判施福俱
贖回賊僅九十三人狡而狠七月入興化殺掠甚
慘興泉合兵數千攻之輒敗相持數日我兵不能
獲其一矢飽欲始去八月還自莆田官兵邀于石
鼓劉富旺死之三年冬十月廣東汀漳盜復寇
永春初四日知縣柴鏞敗之于高坪義士蔡玉智
等死之十一日戰于小姑張元宗死之御史簡霄
檄按察司僉事聶珙督諸縣兵擊之十月知縣南
安顏容端德化梅春安溪龔穎同安周惟會永春
柴鏞之兵追至鷄母岫龍溪知縣黎良亦以所部
兵來會是日夜賊自鷄母岫奔德化小尤中團二
十四日官兵追及四合擒斬魚遺十二年八月初

五日永定寇犯安溪長泰里又犯崇信里又犯新康里殺掠甚慘府同知李東通判柯遷督兵平之
十七年冬十月永定寇劫安溪感化龍興等里
知縣殷黎督民兵追至石硤嶺獲其二總三總
二十六年劇寇陳日輝聚黨據安溪覆鼎山大小尖白葉坂諸崗不時出掠是冬突至同安縣郭外劫質男女挾贖地二十里弗去分巡僉事余燿督兵驅回安溪直搗其穴平之
時漳州月港家造過洋大船往來暹邏佛浪機諸國通易貨物海道不靖是年新設總督閩浙都御史厲禁通番獲通

者九十餘人都御史朱統行海道副使柯喬都司盧鏜就教塲悉斬之尋論發柯喬盧鏜皆擬重典後恤刑郎中陸穩乃奏釋之漳泉尋復通倭倭亦以巨航至漳泉人往往有詐負其直者遂生嫌隙而倭患萌矣
三十五年倭自福清海口入寇

泉州衛指揮童乾震引兵迎戰死之
三十七年

四月倭四百餘從郡境長坑頭登岸由龜湖突至安平市殺掠數日乃去是月倭又四千餘攻陷福清縣遂至惠安知縣林咸率鄉官李愷等拒守城賴保全倭分二支一由海道寇鴨山林咸復率兵

拒戰死之一由清源山前寇南安陷之五月初三日
至郡城石筍橋城中固守二十餘日賊復攻永
寧城不得入乃去 三十八年三月倭復寇郡至
石筍橋燔民居城中固守乃從烏石南去初五
又至石筍橋初七日焚營邊屋十一日南往安平
時安平城已完守賊不得入復至郡城南新橋僉
事萬民英從橋置門禦賊一時鄉兵被賊驅回與
鄉民男婦奔赴城者墜死千有餘人賊竟排橋門
至車橋大焚民居直至城下官軍以烏銳拒退攻
同安縣城指揮白震同知李時芳教諭吳金率士
民固守復至安平城下遂散劫海都時郡城分
而守目不交睫者凡四閱月乃息 三十九年正
月倭寇入南安英山等處三月又一支在淶美登
岸焚劫四月至車橋焚屋殺人直至城下官軍以
石拒退又一支從法石登岸焚劫亦至南門城下
焚屋而去是年四月倭攻崇武掌印千戶郭懷仁
巡捕千戶朱紫貴失守賊據城四十餘日燔軍民
居大掠而去 是年郡荒米一斗值一錢四分知
府熊汝達發散倉粟又出帑銀廣糴以濟民緝獲
奸民莊世磐林崇美等將為賊內應者除之城得

無事 是年四月倭從僊遊石獅隘至永春太平
官民兵不能禦恣毒而去又從僊遊直抵永春縣
治知縣萬以忠棄縣走賊焚譙樓及民廬屯聚西
門上塲等處哨刼卓埔蓬壺義士尤瀛許時佐等
禦之殺賊無數乘勝追至徐山後兵弗繼俱死賊
由南安詩山入塔口隘典史侯爵統機民兵力拒
賊不能進十五日賊又攻隘典史兵少不支賊遂
入縣分屯肆掠三十餘日乃去 是年七月倭數

千突入安溪屯四十日公署民房燒燬殆盡 四

十年倭自漳州掠同安正月歷刼晉江與頭沙塘

陳坑石菌等處分巡僉事萬民英募永春蓬壺呂

尚四等兵至石菌與賊戰敗死者五百餘人千戶

王道成委罪於呂尚四以故呂尚四遂萌逆念而

回倭尋至吳店市新橋南頭燒房殺人又至臨漳

城外燒房擄人四月又來晉江嶺後南安盧内等

處遍焚民屋楊叅將領兵未戰而退仍至筍江橋

叅將黎鵬舉未戰走還分巡僉事萬民英斷橋梁

一間拒守七月出僊遊大路截擄應試諸生給票

勒贖不計其數 是年十月內叅將黎鵬舉招撫

興化賊首潘若海分巡僉事萬民英優以冠帶安

置城中欲資之殺賊若海不悛部黨橫行不時擄掠動傷市民鵬舉乃白萬分巡計擒斬首雙門前民始帖席數年田畝遍爲草莽斗米直錢百二十文民逃生入城無食待斃瘟疫盛行死者枕藉知縣鄧洪震措置收埋萬分巡于開元寺設法施粥民餓極有食粥立斃者是時晉江人張僉憲冕分巡嶺東諭潮民及玄鍾等處賈人從海道運穀來泉平糶以濟前後穀艘至者千餘七邑之人多賴全活立碑頌德邑人林參議一新爲記是年叛民呂尚四黨與鉅萬將攻永春警聞十四都致仕教官蔡鍾陳嘉謀劉龍生員劉夢麟盛有德陳大珪等各捐金給餉糾二都兵四百餘人日操夜守賊避之取間道往南安於是縣坊太平東關十九都兵共一千五百餘人皆來應典史侯爵調度密約德化尅日搗巢適知縣林萬春到任性怯力主招撫立散民兵賊聞悉黨乘虛來攻以十七日黎明圍永春城陷之擄知縣林萬春燔典史廨大殺市民而去是年夏賊褚鐸攻南安城弗克千戶王道成招撫之不聽執道成以去指揮歐陽深追獲其黨林耿時呂尚四與褚鐸合所過地方殺掠

備慘遂攻德化城德化知縣張大綱戒壁嚴壘乘
機出戰大破之直追至巢適郡人徐行愷爲賊營
醫素有 heart 計預結大姓尤萬教萬化等乘尚四敗
縱火焚巢釋知縣林萬春千戶王道成操戈以應
德化尚四計窮棄妻子率親黨二十餘人投倭爲
人所殺褚鐸亦爲永春劉君益等所擒二賊悉平
是年秋倭寇合賊江一峯謝愛夫等入安溪哨
掠擄人口數百去九月永定賊號清江總者數千
餘徒大掠安溪而去 四十一年二月倭攻永寧
衛城指揮王國瑞失守城陷據城大掠數日去時
衛中軍民遁脫奔郡城者分巡萬民英悉遣還衛
三月倭復來攻城再陷軍民爲其殺傷幾盡 是
時晉江賊謝愛夫等哨永春蘇光祚等哨僊遊施
思備等屯南安高老等屯晉江江一峯等屯雙溪
口清江老等屯英林潘迳劫掠無寧日擄人挾贖
既而民貧無贖遍發大家墳墓劫屍勒贖慘不可
言 是時郡人致仕僉事莊用賓與弟生員用晦
痛父墳被劫募死士百餘人直抵雙溪口賊巢與
南安兵合連破十餘寨負父骸以歸用晦殿後與
賊格鬪死之 是年賊謝愛夫等攻永春本學訓

導呂嶽與署巡捕廣平倉官羅用弼堅壁拒守愛夫意在久困造天車四輛梯架無數嶽捐俸犒兵日夜戒嚴密遣人各寨告援賊攻寨寨長李子元等率兵拒戰斬獲十餘人寨兵無一傷者賊殊死戰義總陳通林德順沈佛居黃元復吳世可劉必祉死之賊與城兵相持二十餘日嶽間出精兵殺死又命僕執火突出焚車車中火藥發賊焚死殊多乃去八月倭又犯永春黃光甫禦之于苦竹嶺義總楊欽恩死之賊竟不得入 是年春倭黨曾老等屯安溪參洋民不及種蚤稻受害殊甚 是

年分巡禹民英檄指揮歐陽深率兵攻東田賊施思備等破走之深又同叅將黎鵬舉千戶王道成進攻青陽等處高老遁五月黎叅將桂指揮王道成百希周等率兵由水進歐陽深由陸進至尾嶺連破七寨擒殺韋老等二百餘徒又追勦水田下浯等處斬獲百餘級遣人宣諭謝愛夫黃元爵等一時俱聽順各散從賊四千餘人賊酋蘇光祚康大福等擁眾萬餘聞愛夫等聽撫亦來歸順江一峯等遁眾尚萬餘六月深遣人撫諭其黨夜解散萬餘人黎明進擊擒江一峯李五官等一百一十

八名斬於教場 是年十二月廣賊陳紹祿三千餘徒入永春卓埔攻雙魚寨寨去縣治僅里許知縣林萬春擁兵不援寨夜使人告急教諭蔣鶚訓道呂嶽憐之捐俸金三十兩募救兵亦為林萬春所止寨陷任其屠掠屯十九都黃光甫迎戰于塗橋殺賊七人兵林以成黃純福死之四十二年正月復戰于石牛頭兵魏于守李學任李國宣張四仔朱士登許養仔莊以信顏綿五死之先是倭在福清未回者適淞直總督遣叅將戚繼光領金華兵來援興化至次宏路驛一夜勦之兵無所高賞尋還淞江新倭自海口登岸遂攻圍興化城五月時都督劉顯屯江口距城四十里不敢進遣五兵詣城約援為倭所獲殺之以從倭漢人詐為劉兵約二十八日夜城中無舉火劉兵將潛入城分守叅政翁時器叅將畢高並中其計十一月二十八日夜五人在城殺人倭乘亂攻城城遂陷據城三月兀殺署印同知一人士夫十餘人大家小民無數即不殺者備極窘辱至正月始去屯平海衛上命戚繼光以都督總兵福建提浙江兵未至時廣東總兵俞大猷奉遣應援以南贛兵為軍門所留

新募漳兵未可以戰惟先把截海港毋令船得脫去指揮歐陽深奉遣應援與賊戰于平海之東蕭死之戚兵至遂直抵平海衛城破其巢殲滅無遺

四十二年十月倭復攻僊遊五十餘日時浙兵更番未至戚總兵侯久恐城中力竭乃率見在兵破其西寨遂與譚巡撫連兵盡破其東南二寨賊遂潰

四十三年正月賊入泉郡境澗埕湖美等處殺掠男女而去又至安平攻城三日弗克戚總兵兵續至賊聞引去戚追剿直至漳州賊復奔潮州爲廣東總兵俞大猷截殺無餘

是年九月僊

遊撫賊蘇校蕭學壽復叛突入蓬壺知縣謝衷召義士黃光甫合各都義兵禦之戰于錦斗擒斬過半鄉民林鐸率兵助之餘黨遁謝知縣追至安溪生擒殺死無遺是年倭復至永春攻烏洋寨黃光甫拒之于大埕兵黃道黃元六死之賊復還僊遊遂爲戚總兵所破

四十五年春有倭航百餘徒突至永寧戚總兵截殺之

晉江下浯撫賊謝愛

夫至家占地築堡奸謀叵測知府萬慶設策擒獲

實諸獄殺之郡人始安

隆慶三年四月倭二百餘入同安界札料羅小塔

嶼把總毛介恭將王如龍戰敗分巡僉事蘇愚遣
 指揮張奇峰督所團練土兵往勦破之斬俘無遺
 自是以後倭絕迹泉四十餘年來海禁稍踈奸民
 闌出觀去歲閩縣董考功之疏則閩中通倭沿海
 一帶皆然也海道日熟勾引易萌放鑿不遠可不
 慮諸

僊釋類

蔡尊師唐時會稽人曾祖夔宦遊塋泉因家焉師
 以祖蔭仕至全部員外郎得辟轅御氣之術棄官
 入道居紫極宮精思院卒塋行春門外留鄂公築
 羅城徙之松灣啓棺惟劍鑑存焉

譚紫霄名峭泉國子司業洙之子幼聰警及長博
 學能文迥嗜黃老遊終南諸名山得辟穀養氣之
 術嘗作化書授宋齊丘令為序齊丘因攘為已作
 其言多顯黃老借人因其數骨壁對事之無其此

吳崇岳惠安人入龍興觀為道士收精鍊氣休糧
 輕身轉運使周謂行部聞其名謁而扣之知非彛
 常道流也贈以詩云楮子為冠布作裳吞得丹霞
 壽最長混俗性靈常樂道出塵風格蚤休糧枕中
 經典誰傳與肘後僊方自寫將百尺松梢便飛去

鶴棲枝上禮虛皇後召赴闕賜號通玄先生
紹興中有人自稱江東裴道人頭戴通草花行歌
於市曰好酒喫三盞好花插一枝思量今古事安
樂是便宜人與之金則買酒徑醉莫知所止宿一
日樵子於北山石嵌中見一人端坐拱手而逝知
其為裴道人也郡人因其遺骨塑像事之號其地
為蛻巖

蘇紹成德化人委業天慶觀後隱于北山朱文公
知其有德嘗造其廬書廉靜二字與之且銘其琴
曰養君中和之正性去子忿忿之邪心乾坤無言
物有則我獨與汝鈞其深

董仙伯萼晉江人服氣煉形混俗遊世談徵應輒
驗能于手中作字令開拳有雷聲震起為戲後
尸解北山紫極宮人即其真身塑像祠焉祈雨多
應

張道源遇異人德化九竇溪使負之渡乃曰我秦
山佛傳汝心印自是靈異後老于秦湖
無等會稽人居南安延福寺刺史盧公三請不至
遣使仗劍云不下山取頭來無等曰身非我有况
頭邪禪寂自若盧嘆曰空生之道一至是乎

知亮不知何許人唐時始來居關元東律巷恒袒一膊行乞於市祈寒霜雪中猶然德化有山曰戴雲山亮以為幽絕可廬遂居焉不火食者累月有詩云戴雲山頂白雲齊登頂方知世界低異草奇花人不識一池分作九條溪宋大中十二年遊陳叔幾舊名則夢亮謂曰爾改名研籍永春當得第叔幾如其言果登第

義存姓曾氏南安人從禪學與巖頭師為友嘗客澧州至鼇山邱天大雪巖頭偃仰至中夜見義存兀坐不寢詰之義存自指其心曰此中未穩巖頭因令舉前所證入處隨針砭之未乃謂之曰從門入者不是家珍丈夫須自己胸中流出使蓋天蓋地義存大悟下牀喜躍拜巖頭後居雪峰山

行端唐天祐間脩行德化程田寺後逝邑人像而祠之其諱日必雨市人謂之洗市雨禱雨輒應

惟識大師道昭晉江人生有紫帽蒙之十七歸佛受清誓具足出遊方歸天祐中謁義存存與語大契傳云清言者將禮文殊五臺道逢老人問何之信具為言老人曰嘻五頂遼曼跋涉良苦泉之開元羅漢閣鈔惟識論者文殊子不即求而遠為信

曰謹奉教物色謁拜識曰此土地饒舌也舊郡志
羅漢閣有道昭直書惟識論解八十卷具存有碑

魏筆法

法周姓王氏同安人八歲出家住開元文殊日授
楞嚴千餘言勤慎無隋容恥碌碌餘子下凡三應
詔咸稱旨賜章服咸平中郡守宿翰至寺訪之相
引行殿墀見其下數莖草翰指問之曰舊云紫雲
蓋地凡草不生因甚今却有此周應聲曰地因培
客土凡草有時生翰深嘆服天聖元年跌坐而化
招慶不知何許人為開元寺僧僧衆問如何是法
意答曰擾擾匆匆晨鷄暮鐘又問何如是和尚家
風答曰一瓶兼一鉢到處是生涯

惟慎禪師晉江人戒行潔清尤邃於理天聖中遊
京師至則徑歸曾魯公問曰闕下無禪侶如何住
得君惟慎應聲曰敢言知己少性本類孤雲後住
同安之羅山

禹昌晉江人姓黃氏宗旦之從諸父也博聞強識
喜禪學力定慧苦節自勵子之寡與獨居一室非
其人莫敢輒造焉有省才者時獨往還一日呼才
會食不見其所為具相與向火談至夜半輒出芋

魁分啖之忻然隱陽原山中賦山居十章有飢食
無名草寒燒落葉薪之句門人迎歸卒

法輝晉江人居廣福院禪餘頗以詩自娛與呂縉
叔石聲叔陳原道為同社嘗賦記吳山人詩曰夜
召山翁酌花間聊撫琴酒香來竹外古意入雲深
月色臨渚水溪光射遠岑擬教塵無客對此滌煩
襟又題憲師壁有曰遠浸溪光碧寒生松檜陰漁
舟驚暮雨高吹入秋林其詩多類此別有集

定諸晉江人學佛兼通儒道宅心岑寂俗囂如遺
巾履之外虛空一色有客則啜茶清坐去則面壁
曾楚公會與之為方外友在館中暨出知明州連
寄以詩載于郡乘諸集曰去革其觀書水障云無
波浪處生波浪愁殺孤颿過海人又詠鸚鵡云罩
在金籠好羽儀分明喉舌似君稀不須一向隨人
語須信人心有是非蓋不苟作也嘗造塔筭江石
盤之上因置院以石塔名今塔院俱廢其地至今
猶名石塔保

太初字子愚晉江人世儒者初倜儻有奇志詩文
不凡既而棄所業從佛以純實接學者始會儒釋
大同為門使之入終則示吾法之圓極以為意使

宿而不去嘗出孟氏一章曰夜氣者名牛山經以授學者素不喜作文作則傳萬口如承天僧堂記簡嚴有體而雌黃蔡端明洛陽橋記多三字者至今傳其言也

有朋南安人為寶林宗已門學士有聲元豐二年郡守陳樞致朋主教開元朋亡為使者所得電勉而就晉江令蔡謹草疏云豈謂自高未諧前請雖獨善之風可尚而接物之理未聞崇寧四年東林常總貽書云頗棄糟醜已云無味方知日月別是一天非惟碧眼胡人不虛徂東柳亦吾家祖派見其渺漫矣宣和六年踟躕而逝

陳普足永春人兒時牧牛持齋誦經牛自知歸請禱雨皆有應築室安溪清水巖居之勅封清水昭應廣惠慈濟善利大師

了他德化人持戒律甚嚴三十二年不澡浴人譏之曰形骸外物元豐間坐化其身不壞後三十年瓜髮復長至今真身猶存

大圭廖姓字恒白晉江元末人資性敏慧博究儒書兼通內典入開元寺為僧恒賦詩曰不讀東魯書不知西來意禪誦之暇作為文章簡嚴高古無

山林枯稿氣自號曰夢觀人因名謂夢觀和尚所
著有開士傳各有論贊又曰夢觀集

聖公

重修泉州府志序

按臺會稽陸公閱閩志而思有
以續文獻之傳方延鄉縉紳大
夫緝理其事八郡守吏推
公之意以告

撫臺鄞縣丁公
藩臺江陰袁
公
臬臺高安陳公
慈谿馮

公 金谿張公請各先修其郡
 之志以備採擇既得命謙泉守
 宜修泉志於是與別駕徐君司
 理伍君造鄉先生大宗伯黃公
 吏部林公孝廉李公儀部何公
 學使蘇公之廬請黃公主其事
 而四公裒而成之五閱月殺青

謙受而讀之山川謠俗田賦戎
 祀吏治之鏡人文之林備而整
 簡而核纒纒乎稱良志哉夫泉
 自漢始置部至唐為止州宋為
 望郡遂章徹有聞其在今日則
 賢才甲於名區文風雄於赤縣
 雖曩昔所稱豐鎬之都鄒魯之

域何以遠過方我

二祖之開天也象以海濱去神臯

遠其聲名文物猶函光而未曜

以美以置情至意爲主慨來爲

列聖培植之永

聖天子有道之長醞釀久而取旨也厚叩撞遲而發響也洪茂美

休明日逢月涌以有今日之盛

也似造物闔闢之氣使然然謙

縮符之初入境問俗見其鄉之

往詰以理學名者以氣節著者

以功業文章顯者彬彬乎棹楔

相望廬可式書可讀典型可挹

已而延接縉紳逢掖則多佩衡

帶矩誦說先進間有躡肆偏宕
者輒以塵點素風羞之小民雖
競錐刀而繁牒牘然大抵畏法
怯僂而僇狡凌橫者猶少因嘆
此邦

皇化之浹洽深而高曾之規矩良
其與豐鎬鄒魯衡隆並盛固有
所本非苟而已也抑謙又有感
焉我

朝泉志創於嘉靖癸未實張襄志
史給諫二公成之越四十二年
爲隆慶戊辰黃恭肅諸公修之
迄今四十五年而五先生又重
修之嘉靖志所載我

朝百五十年事平陂張弛難以更
僕即以近日之爲前後四十五
年者較之賦徭多端島夷內訌
民無寧歲野無青草彼一時也
田均徭省波澄浪息文恬武嬉
示繁麻茂此一時也志具之矣
宋歐陽脩以宣上恩德與民共

樂爲刺史之事顧泉郡鎔山阻
海田不益而生聚日繁即豐歲
亦紛哺于外省三韓日狡焉內
闕奸民冒死多載漢物闌出與
市海波將見告矣華采外煽悃
幅內蝕過此而挽淳返朴猶江
河而之山北數者皆泉將來之

慮而五先生於志中其叙兵食
風俗之際蓋道然三致意焉居
安者不忘危圖大者必于細守
土之吏與此邦士民其尚藉此
編為桑土砥柱之圖此

無按藩臬諸當道所為續志肆
念也詎直一方文獻是徵云乎

哉

萬曆四十年歲次壬子九月朔
中丞大夫知泉州府事楚梅城
陽思謙頓首拜書

